

發一半地方自行籌措一半松香河壩需款不在此限

第八條 自行籌措之經費由地方商民負擔籌款方法另定之

第九條 木壩由十八年五月一日動工定六個月完全築成

第十條 本壩築成後每年春季由縣城各商農戶出工補修一

次並補栽柳樹以期鞏固

第十一條 本簡章如有未盡事宜隨時招集會員修正之

## 商業

**商務** 撫松自清宣統二年設治後漸有商舖僅有米鹽棉布之供給耳乃民國三年復經匪亂舉其所有盡成劫灰亂定後商民亦漸來歸商舖逐漸開設商務日見起色至民國十五年冬復受胡匪破城之浩劫商民被搶一空遂均停止營業至張公傑三履任後由官銀號貸款維持始漸復原狀未及二載商號林立日見發達矣

**商會** 民國二年由張錫等提議組織商會未經立案徒有其名民國七年由各商家重行組織公舉信義長經理劉鵬爲正會長福源祥執事趙君祥爲副會長民國九年由縣轉請備案刊發鈐記文曰奉天撫松縣商會鈐記復經改選仍舉劉

掛榜縣志  
鵬爲正會長福盛祥郭恩溥爲副會長滄會規模始漸完備  
十一年改選仍公舉劉鵬爲正會長郭恩溥副之十三年改  
選同合祥執事劉凌雲爲正會長義合東童明中爲副會長  
十五年改選裕盛泉執事李明祥爲正會長天成永執事張  
萬程爲副會長十七年改選福盛祥執事郭恩溥爲正會長  
公益當經理劉鵬爲副會長規模亦頗完備會務亦見起色  
矣會址設於小南門裡路東

### 幣制

根據十六年調查

銅圓 有單雙兩種爲省內外所通行惟兌換之價漲落不一每  
十枚兌小洋一角每百枚兌小洋一圓

現洋 市面亦不多見欲行兌換頗爲困難價值亦無一定

奉票 係東三省官銀號所發行之滙兌券爲市面所流通者每

六十元始能兌換現洋一元市面通行均以奉票爲主幣

吉帖 撫松與吉林省接壤在數年前市面通行者以吉帖爲多

吉帖者即吉林永衡官銀號所發行之憑帖也年來地面興盛省幣輸入日多吉帖之數銳減且以省幣兌吉帖其價值漲落不定商家恐受虧賠故對於吉帖皆隨時推行無存儲者

### 度量衡

度 本縣木工起造及官署量丈地畝皆適用前清工部營造尺

雜貨商量窄面布疋及綢緞適用裁尺每尺與營造長一寸

蓋邑屬邊荒商家尺量較省爲小藉以獲利也

量 本縣斗量較省城爲大有二種一爲大斗一爲小斗凡租種地畝必事先言明係大斗租或小斗租大斗每斗核五十斤小斗每斗核三十三斤市面買賣糧米多半適用大斗小斗僅鄉間有用之者

衡 本縣所用之稱亦較省城爲小故每觔名爲十六兩其實則止十五兩但以沿用已久民俗相安亦未究正本縣復有一種慣例購買山貨時每觔須外加二兩五錢則一觔即爲十八兩五錢矣

# 輸出表

民國十八年度八月調查

種類	數	目價	額總	計
元豆	一五〇三〇石	每石九〇〇元	九五、二七〇元	
豆餅	一、五五〇片	一、二〇	一、八六〇元	
豆油	五、〇〇〇劔	、二〇	一、〇〇〇元	
山蓆	二、八三四兩	八、〇〇	二二、六七二元	
園蓆	三七八、三八〇斤	、八〇	三〇二、七〇四元	
鹿茸	二〇架	一〇〇、〇〇	二、〇〇〇元	
鹿胎	一五付	五〇、〇〇	七五〇元	
貂皮	一〇張	一〇〇、〇〇	一、〇〇〇元	
線麻	二六一、八八二斤	每斤〇、一五	三九、二八二〇〇元	

水獺 一〇張 每張五〇〇〇 五〇〇元

灰鼠皮 六〇〇張 每張四〇〇 二四〇元

元皮 二、六〇〇張 每張六元 一五、六〇〇元

狐狸皮 一五張 每張二〇〇〇 三〇〇元

元 磨 二五六、六一八 每斤〇、一五 三八、四九三元

木耳 三、四〇〇斤 每斤一、〇〇 三、四〇〇元

黃 葵 五〇〇斤 每斤一、八 五〇〇元

貝 母 五、五〇〇斤 每斤二、八〇 一五、四〇〇元

木 料 五〇〇根 每根一、五〇 七、五〇〇元

天 鷄 一五〇〇〇個 每個〇、〇二 三〇〇元

輸入表

十八年十月調査

種類	數	目價	額總	計
花其布	二、三、四、四疋	每疋二、三、〇〇〇	三〇、四七二	元
毛洋布	一、九〇疋	每疋一、二、〇〇〇	一七、八八〇	元
漂市布	一、九八〇疋	每疋一、三、〇〇〇	二五、七四〇	元
坎布	八〇〇疋	每疋一、三、〇〇〇	一〇、四〇〇	元
大尺布	二、四、五〇疋	每疋九、〇〇〇	二二、〇五〇	元
洋連布	一、三、二〇疋	每疋一、一、〇〇〇	一四、五二〇	元
清水布	一、三〇〇疋	每疋八、〇〇〇	一〇、四〇〇	元
太西緞	五〇疋	每疋二〇、〇〇〇	一、〇〇〇	元
洋線	二、三、一〇八〇斤	每斤一、二〇〇	二六、四九六	元



寧 綉

五疋

每疋六〇〇〇

三〇〇元

庫 緞

四疋

一四〇〇〇

五六〇元

串 綉

二二疋

六〇〇〇

一、二六〇元

大 綉

一九疋

一一〇〇〇

二、〇九〇元

煤 油

八、五〇〇箱

每箱一二、〇〇〇

一〇二、〇〇〇元

洋 面

二〇〇袋

每袋四、八〇〇

九六〇元

白 糖

三、一八〇斤

二〇〇

六、三六〇元

紅 糖

三、八〇〇斤

一〇〇

三八〇元

冰 糖

一、二八〇斤

〇、三〇〇

三、八四〇元

洋 毯

八五〇條

每條四、二〇〇

三、五七〇元

洋 軸 線

一〇〇羅

八、〇〇〇

八〇〇元

夏布	二〇〇尺	每尺	五〇	一〇〇元
棉花	一一、四〇〇斤	每斤	〇、六〇	六、八四〇元
海菜	一〇〇斤	每斤	一、二〇	一二〇元
豆粉	二二、二〇〇斤	每斤	二角	四、二四〇元
紅棗	一、三〇〇斤		〇六	七八元
甲紙	一二〇張		五、〇〇	六〇〇元
海紙	一三〇塊		四、〇〇	五二〇元
元紙	一〇〇〇疋		二〇	二〇〇元
窩紙	三〇〇疋			二、四〇〇元
老葉煙	三〇箱			一五〇元
金銀箔	五〇、〇〇〇塊	每塊	一〇	五、〇〇〇元

白礬 八袋 四〇〇 三三二 元

川連紙 五〇扣 五〇〇 二五〇 元

毛邊紙 一五〇疋 六〇〇 九〇〇 元

圖畫紙 五〇〇疋 一〇〇 五〇〇 元

手工紙 一〇〇〇張 〇五 五〇〇 元

五色紙 一〇〇〇張 〇五 五〇〇 元

毛頭紙 八〇〇〇疋 一元 八〇〇〇 元

白官紙 三〇〇疋 二〇〇 六〇〇 元

報紙 五〇〇斤 一〇〇 五〇〇 元

花生 五〇〇斤 五〇〇 二二五〇 元

古月 五〇〇斤 六〇〇 三〇〇〇 元

大料 三〇〇斤

八〇〇

二、四〇〇元

鮮薑 八〇〇斤

二〇〇

一六〇元

青絲菜 五〇〇斤

二〇〇

一〇〇元

肥皂 一、五〇〇塊

五〇〇

七五〇元

洋火 一二〇箱

八〇〇

九六〇元

洋蠟 五〇箱

八〇〇

四〇〇元

洋粉 五〇斤

六〇〇

三〇〇元

毛巾 二〇〇〇條

三〇〇

六〇〇元

烟捲 二五〇〇包

二、四〇〇

六〇〇〇元

鮮菓 五〇〇〇斤

三〇〇

一、五〇〇元

洋酒 八〇〇

一〇〇

八〇〇元

# 商號表

由民國元年 至十八年

商號別	曆年比較		增	減	家	數	目																															
	元	二																																				
商	元	二	三	四	五	六	七	八	九	十	十一	十二	十三	十四	十五	十六	十七	十八																				
雜貨商	五	一	〇	一	四	一	四	一	五	一	五	一	八	一	八	一	八	一	九	二	〇	二	〇	二	三	〇	三	五	七	五								
鐵爐			一																																			
燒鍋			一																																			
油坊			一																																			
毡店																																						
山貨莊			二																																			
成衣局			一																																			
藥店			一																																			
粉房			一																																			

撫松縣志

面舖	鑄爐	飯館	銀匠舖	糧米舖	棉花工廠	染房	木舖	書局	糧棧	棧店
一										
一										
二										
三							一			一
三							一		一	一
四							一		一	一
六							一		一	一
七	一		一				一	一	一	二
八	一		一				二	一	一	二
九	一		二				二	一	一	二
一〇	一	一	二				二	一	二	三
一一	一	一	二				二	一	二	三
一二	一	一	二	一		一	二	一	二	三
一三	一	一	二	一	二	一	三	一	二	四
一四	二	二	二	一	二	一	四	一	二	四
一五	二	二	二	二	二	一	五	一	二	五
一五	二	三〇	二	二	二	一	五	一	三	五
一五	二	〇	四	二	二	一	六	一	三	五

皮 鞋 澡

舖 舖 塘

一	一	
一	三	
一	三	一
一	五	二
一	五	二
一	七	三
一	七	三
一	七	四
一	八	五
一	八	六
一	八	六
一	八	七
一	八	八
一	八	八
一	九	九
一	九	一〇
一	九	一〇

蔓業

蔓有園野之別由人力栽培者謂之園蔓天然產於山野者謂之

山蔓又謂大山蔓老山蔓等名爲多年生植物有數十年數百年

或千年者故爲關東三寶之一也掌狀複葉輪生花小白色六月

間花落結實洛謂人蔓果又謂棒槌花色紅奪目放山者於此時

期因謂之跑紅頭大者成兩即爲最佳品普通者

二三四錢六七八九

錢即爲佳品

二三四兩者實所罕見至

七

兩者百年不遇且論姿

勢之優劣不論分量之輕重所謂緊皮細紋馬牙露疙疸鬚是也

其姿勢有跨海牛尾龍形人形其名稱有散花五個葉二甲子（

亦謂燈台子）四批葉五批葉六批葉之分撫松地處邊陲山深

林密出產頗多所以一班人結隊成羣入山求之謂之挖棒槌亦



謂之放山從前放山者或五人十人一起持木桿曰梭撥落根蓋用以覓蕩者得蕩包於樹皮內謂蕩包在山裡修一樹皮房子朝出暮歸食宿止焉自陰歷四月入山謂之放芽草市五月謂之放青草市六月花正開謂之跑紅頭七月花落謂之放葦菜花（亦名刷帚市）韭菜花過即到開秤時期當白露前二十天所有放山者將所得山蕩包子均帶至集鎮寄放一定處所公舉一人爲經濟掌秤迨放山者均到齊之日則宰豬設席抽煙賭錢然後開秤打包由掌秤者定貨物之優劣評價值之多寡始可出賣否則不准買賣過白露扣秤（即不買不賣之意）園蕩狀如山蕩同由培植者於白露時播種明年出土則覆以木板過二年則移植他畦普通移三次即可做貨每年做貨在白露節謂之開鍋將蕩由

池挖出僱人洗刷謂之刷水子、俗謂婦女刷水子出貨色氣較好  
又謂人葦屬陽、婦女屬陰、陰陽相生故色氣較好亦趣談也其實  
婦女性體溫柔耐煩做活精細使然耳茲將園葦製作名稱分述  
如左

一冲葦 由園葦內揀選姿勢佳者接以露頭鬚條精製與大山  
等佳者可冲山葦故曰冲葦

一洋葦 又名大力葦揀選枝頭大者將鬚去掉刮去外皮然後  
置於籠屨蒸熟取出曝乾爲園葦上品

一白乾 將園葦剝去鬚條刮去外皮曬乾之即爲白乾

一生曬 俗名泥打滾將園葦由畦中挖出連泥曬乾不加製造

故曰生曬

一紅貨 即紅葎將葎刷洗潔淨剝去鬚子加白矾水糠置籠屨蒸熟炕乾之即爲紅貨

一糖葎 將葎帶鬚刷淨置釜中煮熟之用鍼徧札多孔後將冰糖溶化之置其中以灌飽糖漿爲度取出曬乾裝置木匣可爲餽贈之品

撫松地處邊遠原無居人出產野葎極多嗣後外來之人漸有進山採掘野葎名曰放山並得領票事在二百年前後採者愈多出產日少始仿照吉林敦化辦法栽種園葎初營園葎業者均爲勞動界人並無資本家出產極少賣價亦廉每年所獲之利僅可維持其葎園之生活至前清末葉仍無起色迨民國二三年始略見發展價亦較昂因欲維持葎業於民國三年成立葎會經由公

升堂呈請立案惟栽種園蓆者均散在縣屬東西北三崗東崗在縣東距城八十里西崗在縣東南距城亦八十里北崗在縣東北距城五十里各崗皆有分會並各有正副會長總會設在縣城建有固定會址瓦房十五間規模極爲完備三崗蓆戶以北崗爲最多東崗次之西崗又次之所產之蓆亦以北崗爲最佳三崗營蓆園營業共七百四十餘家年可出蓆二十八萬斤每斤能值爐銀五六兩出產額約佔全國十分之七總銷營口分銷全球實爲我國特別之出產若能加意研究栽種方法自不難日見發展第一任會長爲鄭繼先副會長爲單鳳庭茲將歷任會長列表如左

調查蓆會會長及三崗分會長表

姓名  
正副會  
長年  
月

鄭繼先  
正會長  
民國三年

單鳳庭  
副會長  
民國三年

安茂林  
正會長  
民國八年

楊景山  
副會長  
民國八年

安茂林  
正會長  
民國十二年

崔其發  
副會長  
民國十二年

東崗

張鵬頡  
正會長  
民國三年

王培之  
副會長  
民國三年

陳同生  
正會長  
民國十二年

薛德昌副會長  
民國十二年

牟全令正會長  
民國十三年

丁汝愛副會長  
民國十三年

冷少德正會長  
民國十四年

高任凱副會長  
民國十四年

孫肇昌正會長  
民國十五年

于本林副會長  
民國十五年

孫作文正會長  
民國十七年

于本林副會長  
民國十七年

西崗

鄭繼先正會長  
民國三年

馮玉福副會長 民國三年

馮玉福正會長 民國七年

張連清副會長 民國七年

劉順廣正會長 民國十年

李緒長副會長 民國十年

尙振良正會長 民國十一年

馮玉福副會長 民國十一年

矯奎棠正會長 民國十七年

李紀臣副會長 民國十七年

北崗

安茂林正會長 民國三年

楊景山副會長  
民國三年

安茂林正會長  
民國十六年

王洪奎副會長  
民國十六年

安茂林正會長  
民國十七年

崔其發副會長  
民國十七年



# 漁獵

撫松地處長白山西麓松花江上游向爲人跡罕到之區森林滿野河水橫流不惟飛禽走獸到處皆是而水產亦較他處豐富實因數百年來內無居人故生物得暢遂於其間也設治以前有人跡自漁獵始嗣因漁獵各戶稍集逐漸開闢迨有清宣統年間始行設治二十年來縣城附近人煙漸稠闢草萊墾土地飛潛動植亦因而銳減其距城較遠之處以漁獵爲生者仍復不少縣屬漫江及白山泊子一帶尙有獵戶散居其間四十餘戶而漫江緊江及頭二道松花江並松香河之兩岸住戶亦多以漁爲生而獵戶以樹皮木材苫蓋房屋高不過七八尺可居一二人俗名搶子亦名躉子窩棚有百年以上之戶俗稱其人曰老東狗子食物以魚

獸各肉爲大宗間食小米子均由百里外背負而來生計極稱簡單各戶互訂界限不得攙越如原戶他徙即將所居木房地點出兌於新戶繼續營業情與上古游牧時代相同且迷信山神木房之東均立山神廟俗稱老爺府四時香煙不絕祈禱之事日日有之此種漁獵生活亦撫松居民之特性也茲將其所用器具及其所得生物漁獵時期分別述之如左

一漁戶器具

亮子 釣鈎 旋網 魚炮 鱗鱖

二水產種類

鯉魚 細鱗 白魚 粘魚 重唇 鱒魚 鰂勒 柳根  
草根 馬口 鼈 拉姑 蛤蜊 蚌類 珠子 水獺

三獵戶器具

地窖 地槍 圍網 木隊 挑刀 蹠子

四禽獸種類

貂 狐狸 狢狸 熊 鹿 虎 豹 貍子

獾子 狍子 灰鼠 狼 黃狼 野豬 獐子 山羊

墨狗子 野鷄 樹鷄

五漁獵時期

甲探珍珠俗名打珠子秋七八月間頭二松花江及松香河  
之漁戶有探珍珠之舉於夜間行之因蚌類夜出覓食易於  
被人所得其殼內時有珍珠大小不等價值頗昂

乙捉蛤蟆 亦秋季行之可晒之使乾運銷京津一帶

丙打鹿胎 春二三月行之將鹿胎製成藥膏可治婦科諸症

丁打鹿茸 夏四五月間獵戶爭打鹿茸以其時之遲緩有燈碗

子撥岔胡子四平頭馬安子燼片血片糟片等名目價值極高爲滋養之品運銷瀋陽營口

戊跟貂 冬季有雪時行之因有踪可覓故也皮價頗高運銷哈爾濱爲皮類最珍之品

己燻獾子 獾子多穴居用木柴由洞口燻之即出

庚打灰鼠 灰鼠食松果秋季果熟出而覓食均易得也有成皮大花板油胡魯等類

辛打黃狼 俗稱元皮尾長五寸毛粗滿虎口謂魁皮裂筆皮暖

較貂皮爲次

壬殺倉子 熊至冬季藏於空木中不飲不食只以舌舐其掌俗  
稱蹲倉子獵戶於此時得熊即稱殺倉子

癸流蹠子 將小徑用大木障隔引獸類觸於所設獵具每日巡  
視一次俗曰流蹠子

# 林業

撫松森林茂密拔地參天全境十七村內所在皆是佔全境十分之七實爲我奉省一大富源木以松柞楊柳榆楸爲最多每有二三百年以上之樹多係棟樑美材近來人煙漸多農戶樵採風火爲災摧殘日甚木材漸見缺乏若不及時防護則旦旦而伐將悉成濯童山詎不深可惜乎是以民國十八年六月間有遼寧省農礦廳林區駐在所成立自此所設立森林得以管理私伐得以禁止輪困雜奇之質庶無摧挫之虞盤根錯節之材胥可儲爲世用矣

## 附林區駐在所職員表

職務	姓名	次章	籍貫	出身
----	----	----	----	----

所長	黃鳳閣	翔五	黑山縣	奉天甲種農林學校畢業
----	-----	----	-----	------------

技士 劉文蔚 煥章 新民縣 熊岳農業學校畢業

稽查 曾慶麟 香閣 鐵嶺縣 奉天甲種農林畢業

文牘 史克仁 藹如 寬甸縣 寬甸師範畢業

收支 李文卿 問青 錦縣 初級中學畢業

庶務 張繼綱 培倫 黑山縣

張金凱 榮旋 義縣

檢木所  
主任

## 醫業

撫松設治未久風氣不開人民均佞佛媚道有疾則焚香禱神不知延醫服藥自民國二年漢人日聚醫士有來設藥肆療疾疫者雖非扁倉亦勝巫覡民國元年有藥店一處四年增爲二處八年增爲三處十年增爲十四處十三年增爲十五處十五年增爲十六處之多撫松之醫業日見起色可知矣惟醫之庸者不無悞人生命之虞民國五年曾奉令考試醫生以無應試者未果行本年知事張公傑三始實行考驗分別去取其精醫理學問明通者發給執照准其行醫其試不及格者勒令改業以免悞人生命茲將合格醫生列表如左



調查醫生表

姓名	年歲	籍貫	業醫區	醫科	至縣年月	藥店名稱
張秀峰	五六	孟沂縣	一區	內科	民國元年	張秀峰
韓子玉	三七	北京	一區	內科	民國四年	積盛廣
裴子俊	六二	日照縣	一區	內外兩科	民國八年	廣仁和
尹光濟	四六	朝鮮	一區	內外兩科	民國十年	永源昌
田新啟	三三	新民縣	一區	外科	民國十二年	守善醫院
李書銘	四一	鳳城縣	一區	內外兩科	民國十二年	新亞醫院
劉清池	四一	鄒縣	二區	內科	民國十二年	廣育堂
李紹庚	三九	遼陽縣	一區	內科	民國十二年	天福堂
連文齋	五五	文登縣	一區	內科	民國十二年	久興隆

劉海峯	五四	武安縣	一區內	科	民國十二年	久興隆
李忠元	六八	壽光縣	一區內外兩科	科	民國十二年	萬合堂
孫同恩	三四	萊陽縣	一區內	科	民國十二年	同仁藥店
金亨權	二三	朝鮮	一區內外兩科	科	民國十二年	撫林病院
李琴亭	六〇	樂陵縣	一區外	科	民國十二年	天德堂
高鳳謙	三八	平都縣	一區外	科	民國十三年	謙益堂
王全祥	四八	泗水縣	一區內	科	民國十五年	天合堂
袁成筠	二八	武安縣	一區內	科	民國十六年	廣合祥
于子清	二三	海城縣	一區內外兩科	科	民國十七年	日新醫院

醫學研究會

撫松從前雖有醫生均未經考取不無悞人生命之虞縣長張公傑三有鑒於此於民國十八年春實行考驗分別去取共考取合格醫生十八名發給執照准其行醫其考未合格者勒令改業以免悞人生命遂於十八年六月十七日成立醫學研究會以謀醫業之發展招集醫生開會選舉田新啟爲正會長龐俊爲副會長嗣又舉田新啟爲正會長李書銘爲副會長其餘列爲會員租小南門裡路西瓦房三間爲會址規模亦頗完備

慈善

直魯難民救濟收容所

直魯各地比年荒歉就食東省之難民日益加多每際隆冬扶老携幼啼飢號寒不堪言狀縣長張公傑三所以民國十七年三月二十八日有直魯難民救濟收容所之設也該所設於南門外山東同鄉會院內辦事人員皆由縣署警甲學農棧商會各職員兼充不支薪水經費由山東同鄉會負擔若有不足再由地方紳商捐助凡難民老幼殘廢癯癯無告者均可入所內食宿倘有死亡驗明購棺掩葬如有疾病得隨時醫治此所成立難民不致無所歸矣茲將擬具簡章列左

直魯難民救濟收容所簡章

慈善

宗教

禮俗

文藝

軼聞

土語

## 人事

我國自黃帝迄今凡四千餘年國內之種族互有盛衰而人事亦因之屢變自海禁大開五洲互市而種族之說以起人口之數亦日漸增多我國人口繁衍爲世界各國冠人口愈多生計日促於是乃各擇一業盡力經營以維持其個人之生活爭謀工商業之發展十九世紀之後我國工商各業日見振興而物質亦日進文明人民亦知努力講求以與世界各國相競爭惟晚近以來人心不古狡詐成風非嚴刑峻法所能盡懲必賴有禮教以範圍其身心用補法律之不足然撫松地處邊遠草萊初闢直魯難民雖有來此墾荒者戶口終屬寥寥以致凡百事業均未見振興斯不能不希冀後之來者知所取舍共相奮勉與世人相競爭謀個人之

一由縣長督同教育農商棧各會設直魯難民救濟收容所一處設於山東同鄉會院內

二辦事人員由縣署警甲學農商棧會各職員兼充不支薪水成績優良者得呈請核獎以酬勞勩

三難民中有尋找親友者則詢明地點指明途徑使其前往其無預定地點者撥交各村或傭工或開墾荒地一聽難民之便均由警甲妥行監視以免流離

四本所經費暫由山東同鄉會負擔倘有不足再由地方紳商捐助或呈請撥放

五難民入境時先由警甲檢查但非匪黨即行送所倘有形跡可疑之人即拘送究辦

六難民中有疾病者得隨時醫治倘有死亡應依法驗明殮埋並

照章呈報

七入所難民人數應按月表報以備查核

八本簡章有未盡事宜得隨時修改呈請更正



## 義地

商旅來撫倘有死亡掩葬無地多停柩廟宇以及城邊隙地甚或棺木菲薄封漆不嚴日久被風雨侵蝕棺木朽腐不免骸骨暴露無人顧問而飽於狐貉犬狼之腹中者所在多有於民國三年設立義地一處計二畝一畝在縣城西南江沿地方民國九年知事曹公樹蔭以此義地距城近在咫尺不但有碍交通且於衛生亦大有妨害乃通知商民限期遷移嗣由山東同鄉會出資於縣南距城五里城塲溝門地方購置義地一處計寬長里許凡客籍商民及遊旅來撫倘有死亡均可浮厝至無家可歸者亦可久葬自義地設而民人骸骨不致暴露於野矣

## 宗教

吾國夙多迷信樂善好施者恒捨廟地以爲積福之緣因此廟宇林立每建一廟不惜巨資峻宇雕牆窮極奢麗僧道等據爲養身之源民國成立參用西法欲破迷信廟不在祀典者全行拆毀改作辦理新政地址民國法律有信教自由一條僧道等遂據此爭執當局亦不能禁止廟宇故未盡拆毀撫松設治未久廟宇尙少慈東關有廟一處廟堂二間神位甚多地址爲張聘之所捨南關有武廟一處房三數間現又重修廟舍規模已備地址爲徐德所捨距城八里在裡馬鹿溝仙人洞增修關帝廟廟宇數間工程浩大興工數載今已告竣地址爲徐肇業所捨至於山神土地以及老把頭之小板廟無地無之城裡西南隅由由公竹亭建板房旌

烈祠一處將陣軍士供於祠中以旌其烈現由縣長張公傑三在南門外另建瓦房三間將城內旌烈祠移於南門外工程早已告竣矣再張公擬於城內東南建修文廟一處籌畫已定來春即可興工此廟若成人知尊孔文風自蒸蒸日上矣

道教 可分兩種其一蓄髮持齋念經不婚娶者曰道士其一不蓄髮或持齋或不持齋婚娶生子無異常人者曰夥居道撫松荒僻信徒甚少道士僅有數名即夥居道亦甚寥寥

回教 亦名天方教獨回族崇奉之教規極嚴不吸煙不飲酒不食豬肉撫松原無回教近年始漸有移居者惟以爲數過少又以初至遷徙無定建設清真寺一處

附寺廟表

寺院名稱	所在地	創建時代	創建施主	供像住守者	常住人數
武廟	大南門外	民國十七年	徐殿候	關岳	范教發 二名
龍泉宮	東門外	民國十二年	張聘之	關帝楊永海	七名
岫雲觀	馬鹿溝	民國十二年	徐肇業	關帝劉至	有一名

## 禮俗

民風 本邑人民以直魯二省爲最多本省人次之剛柔文野各有不同茲略舉各省人民之同異並着其特長之點

直隸及本省人民性柔好禮魯省人民性直好鬪直籍人民體質微弱善於經商本省人民長於稼穡魯籍人民軀幹壯碩能耐苦喜田獵然以其氣質強悍鋌而走險者多以故萑苻不靖時擾閭閻良可慨也

嫁娶 男女婚嫁一遵父母之命二承媒灼之言普通人情總以資產相當始能議婚初議婚時由媒灼酌量男女兩家足可相當始分頭探詢各有可意遂將男女庚帖互換各倩星士推卜謂之合婚如各無妨碍婚姻始定於是女家先往男家

換  
松  
果  
志

一觀以一飯爲妥協謂之相門戶嗣後男家備簪珥布帛等品納之女家謂之換盞又謂看媳婦迨婚時則倩星士諏吉開帖詳註男女庚辰及過禮迎娶之期娶送婚者宜用何命忌何屬人坐帳方向極爲詳備至日男家具彩禮物品偕媒人送至女家謂之過禮又謂之下東女家設筵享客即便議定迎娶各事宜迨至吉期前一日女家送妝奩於男家送法或用人抬或用車載男家接到後即佈置洞房中喜期新郎親迎備對馬成雙隨新郎行謂之陪光亦謂之馬客又備轎一乘上懸銅鏡意可避邪紗燈鼓樂前導引新郎至女家由女家人引入與新娘屋內面坐經娶送兩女客喂飯及餃子謂之噴飯由新娘之弟兄或叔父抱在轎上謂之抱轎轎行

後女家親屬相送謂之送親轎將至男家由男家翁扣篩子於轎上到喜堂前先由童女二人各持銅盆內盛鉛粉向新娘臉上檫粉謂之添胭粉再由少婦二人各持銅盆一盛火一盛梳水向新娘頭上理髮着新娘烤手新娘頭蒙布懷抱寶瓶降轎由娶送兩女客左右扶持新郎捧盒在前新娘在後爆竹奏樂以紅毡鋪地男女步其上至香案前雙雙交拜俗謂之拜天地拜畢男女齊入洞房到門由新郎以秤杆揭新娘首帕放於房上謂之揭蓋頭入洞房向喜神方坐謂之坐福男家備盛宴以享嘉賓晚間新郎新娘對坐食麵謂之食寬心麵又謂之吃五大碗翌晨拜祖先及宗族戚友以別尊卑長幼越七日新娘偕新郎歸寧母家謂之回門一又謂

之占九一飯即歸此婚嫁之大概情形也

喪葬

凡人初終先置床於堂前衣衾佈置完好爲子弟者即出

室外立高橙上手持扁担高呼往西方大路走謂之指明路

又用藍紙剪成被將亡人從頭至踵蒙好用生鐵或石塊鎮

壓四角凡親屬之卑幼者女去笄男易冠皆着白布衫伏地

左右哭泣亡人前供一盂上插裹綿之箸三枚燃油燈一盞

長日不息置瓦盆一爲盛紙灰之用諸所齊備子弟報廟翌

日或越日成殮有棺無槨親族於斯日咸具紙帛奠於靈前

擇日發引送葬葬後三日祭墳謂之圓墳七日一祭祭七七

謂之燒七百日祭謂之燒百日年終祭謂之燒周年三周年

服滿此喪葬之大概情形也



年節 舊曆除夕家人折紙焚香於十字路口或祖先墳墓曰接神中堂供設香案致祭宗祖卑幼向宗譜及尊長行禮曰辭歲夜半設香案於庭中上供全神望空拜祭爆竹聲喧謂之接神又曰發紙設香案與尊長行禮曰拜年諸事畢食餃子少許謂之串元寶黎明互賀新年

元宵節 正月十五日爲元宵節入夜張燈作樂街市間燃放花炮以爲樂有以麵製元宵煮食者故名元宵節

二月初二日俗稱龍抬頭晨起由竈間引灰至井謂之領龍院內用灰畫困謂之打灰困咸備盛饌團聚而食似亦有節令之意

三月十六日此日係老把頭之生日老把頭不詳何許人相傳係

放山者之鼻祖土人或云是前清老罕王現在放山者均祀之是日家家沽酒市肉獻於老把頭之廟前撫松人民對於此節極爲注重然他處無之

清明節 有子弟者咸爲其宗祖掃墓添土焚紙帛以奠焉

端陽節 五月五日爲端陽節俗稱當五咸插野蒲艾於檐間懸

紙葫蘆於門上意謂可避瘟疫小兒女各繫彩絲於臂項間謂之避瘟繩飲雄黃酒食黏角黍等品

六月初六日 各戶及村社均備供品以祭蟲王

七月初七日 俗謂乞巧日徒存其名此間尙無慶茲佳節者

中元節 七月十五日爲中元節俗謂鬼節故咸焚紙帛於街衢

間以祀鬼神焉

中秋節 八月十五日爲中秋節城鄉間均停止營業以瓜果月餅之屬分與家人夜則陳諸品於庭前對月焚香以祀謂之供月又謂之圓月

重陽節 九月九日爲重陽節多登高眺望謂可避災亦師古之意也

十月初一日 俗稱斯日爲小陽春仍似清明節咸出掃墓添土焚冥帛焉

臘八 十二月初八日爲臘八以黏米雜各色米糧共八種煮粥共食俗謂之食臘八粥

祀竈 十二月二十三日晚以糖祀竈取竈神畫像焚之俗稱過

小年

生子 生子三日開湯餅之會曰洗三親友各送麪卵豚蹄諸品  
爲產婦生乳彌月親友又分送兒童飾物謂之作滿月主人  
則備盛筵以酌之

宴會 宴會之儀城鄉多有之每於元宵節前行之俗謂之會年  
茶惟城鄉各異奢儉不同鄉間樸素食物不過數簋城中漸  
趨奢華南酒海味數見不鮮然較其他各城尙遜一籌也

文藝

大堂撰聯

許中樞

天從此開地從此關心不爲天地分憂便是兩間無能之輩  
民吾同胞物吾同與身不與民物立命既係一方有罪之人

撫松縣城工記

撫松縣居長白右麓舊屬吉林地方幽僻二百餘年依然草昧清  
宣統二年改隸奉天初設縣治雖有官署並無城郭民多新遷良  
莠雜處伏莽潛滋戒備偶疏乘間竊發民國三年七月二十四日  
匪衆二百餘人以劉大個子爲首平明由東山憑高直下衙署與  
市廛民居散若晨星本不相屬匪遂分股攻撲前知事湯君信臣  
殉難商民均被蹂躪警報至省大吏震駭余自民國二年卸署吉

林德惠縣篆務丁憂在籍鎮安上將軍張公金波在兼巡閱使任內函電交馳調赴奉省喪葬未畢余不果行遲至三年五月到奉七月適逢是阨命攝茲邑到任後周覽形勢東南兩面皆山林木叢雜易於藏垢西迫頭道松花江北繞松香河秋冬水涸隨在可涉此所謂四面受敵之地也警力單弱不堪言戰旣無深溝又無高壘更何以守商民甫經匪亂財匱力絀凡百設施諸難爲計潢池未靖風聲鶴唳一日數驚乃躬率巡警徒張虛幟賊不敢犯適獲博徒援律應處以徒刑科以罰金余曰余寬爾刑免爾金爾其爲我工作僉曰諾於是拓地周圍四里決濠修壘分別輕重定爲日程初以濠深四尺上寬七尺下寬三尺長一丈爲一日四面已周由淺入深繼以再深三尺底寬一尺長一丈爲一日接續更

替工滿則釋博徒不充復捐薪俸繼以備值規模初具賊屢窺伺迄未能入商民額首稱慶以爲七月之變不再見於冬日者濠壘之力也衆志旣孚萬口同聲迺於四年春集商民而告之曰匪禍之慘君等已躬嘗之矣濠壘之力君等已親見之矣然而尙未平也濠之淺壘之低尙不足恃也增壘濬濠君等任之有壘矣必有門以閑出入有濠矣必有橋以通往來吾任之僉以爲可遂乃按戶計丁分工興作踴躍從事衆力畢舉築壘高至七八尺修濠寬至一丈深一丈或八九尺各因地勢稍有不同余乃鳩工庀材原有五街各修一門各一橋東曰勵山門南曰獲鹿門正南曰安瀾門正西曰襟江門正北曰帶河門門外橋各長一丈六尺寬一丈五尺西曰襟江門橋長二丈四尺寬與各門同東門內舊有水渠

## 民族

撫松僻處遼寧東邊昔屬吉林濛江州實歸韓邊外管轄清宣統二年春劃歸奉天始放荒設治人民多無室家皆以圍獵爲生以山東人爲最多直隸次之迨民元以後人民移來墾荒者日見增加總以山東人佔多數直隸本省人次之年來戶籍日繁土地日闢茲將調查所得之數目比較如左

漢族占全縣民族百分之八十八強

滿族占全縣民族百分之十

回族占全縣民族百分之二



下有泉與江通隨江水爲消長門外百餘步爲松香河故道各修一橋內曰通江橋外曰古松橋又東小橋一北門外小橋一共爲五門九橋是役也濠壘各工凡經三次門橋各工凡歷五月襄助其事者商會會長張成業副會長馮舜生之力爲多後之官是土者歲加修葺俾勿墮壞是則百年之利也中華民國四年十月知撫松縣事黃縣由升堂記

鎮邊樓記

昔者魏武侯與吳起浮西河下中流曰美哉山河之固此魏國之寶也吳起對曰在德不在險雖然險亦何可忽哉撫松縣治左山右江前溝後河地勢險阻洵可寶矣然而三年七月竟至失守者何也則以不知守險之故也余承之斯邑正值殘破之餘至則掘

濠築壘分設五門匪警時聞闔城晏如易所謂設險以守其國者  
庶幾近之歟惟衆山環繞東南一隅峰巒矗立俯瞰城市有高屋  
建瓴之勢迺建炮臺於其上方二丈四尺上起望樓方八尺圍以  
濠塹縱八尺橫十丈工既畢題其額曰鎮邊樓商民相顧稱慶以  
爲有備無患雖然守之固在人耳得其人則足以捍衛全城固若  
金湯不得其人則足以拊我之背而扼我之吭者未嘗不在此台  
也吳起所謂舟中之人盡爲敵國不其然乎然則守險在用人而  
用人在德固猶是在德不在險之義也是役也縣署第一科長歛  
縣方明警察所區官縣紳於廣義巡官劉永祿稽查員任奎忠監  
修之力爲多不可以不記因書是語以告來者中華民國五年十  
月知撫松縣事黃縣由升堂記

鎮邊樓楹聯

一樓足鎮巖疆襟帶松江居然天險

百里胥歸鎖鑰屏藩花縣永息邊氛

奉天政務廳長調任洮昌道尹金梁

城外建高樓吾民依險防維不驚風鶴

邑中得賢宰他日巡邊登眺共印雪鴻

竹亭賢令尹治松三年庶政畢業復籌款建炮台起望樓以

資保障商民稱慶從此闐闐不驚邊邑之幸而賢令尹苦心

毅力良可佩矣撰聯寄懸用誌欣慰民國六年四月東邊道

尹方大英書識

高摘星辰天外攬槍從此掃

俯臨城郭邊庭雞犬總無驚

撫松巖邑也山水環抱東南一峰逼近城垣尤爲險要由竹亭知事建礮臺於其上以資守禦工既畢邀余登臨全城在望洵一方之保障也因誌數語以杼景慕之意中華民國五年初冬陸軍步兵上尉古龍原關明啟耀東氏撰

鎮邊樓落成志喜

由升堂

鎮邊樓上午風清嘯侶登臨慶落成煙火萬家聯市井江河兩派繞山城雲霞欲斂胸前盪燕雀翻飛眼底平地勢龍蟠兼虎踞潢池羣盜漫相驚

奉和鎮邊樓落成志喜原韻

何原琦

鎮邊要使盜源清偉績三年信有成萬里烽煙銷遠塞千秋臺榭

瞰孤城循良餘事傳歌詠父老同聲頌太平遙識登臨價素抱閭閻應少吠彫驚

和竹亭先生鎮邊樓落成詩竝步原韻

吳守坤

天外妖氛掃盪清登臨一覽慶功成塵開肆列千家市水繞山環四面城棠舍陰濃鴻羽集松江風靜鱣波平建瓴高屋雄圖壯安堵閭閻總不驚

和鎮邊樓落成原韻

魯宗煦

蕭然兩袖惹風清屈指三年恰落成勝蹟堪同籌筆驛收功如築受降城

臺初成適葛景春率首領九人夥黨六十餘名投誠

旌旗別色威先壯

臺上見有軍隊即懸方旗以告警署使知準備

戰鼓無聲賊

已平從此閭閻皆額首萬家安枕不須驚

贈吳委員資生

與君邂逅在天涯文字因緣幸未差  
有子書香留奕業無家宦味感年華  
詩追李杜篇章古話說桐城志願奢  
相見相知方恨晚驪歌門外促征車

一官匏繫在邊城百事經營百不成  
鴻雁澤中稍斂息豺狼化外尙縱橫  
愧無恩沛千家渥祇有風生兩袖清  
若使上房來問訊受降令下亂初平

嗟君此去太匆匆知己原從客裏逢  
座上酒籌增別恨囊中詩句寫行蹤  
隨身伴侶惟三兩歸路河山更幾重  
何處徵塵能遠及鎮邊樓畔最高峯

賀由公受降詩

恩威兼用共推公頑梗輸誠見治功  
驅使貪狼奔境外攫來鷲鳥

入籠中龔平渤海神同妙禹格苗民術並工從此妖氛都掃淨凱  
歌高唱大江東

元旦

曹祖培

指顧雙輪瞬息天光陰飛箭又迎年身如貶謫堪參佛官到清貧  
即是仙少許山珍新獻歲幾多爆竹壯開筵茅衙願約先生飲醉  
後何妨說酒顛

和前題

車煥文

無所從違若二天陽年方去又陰年燈杆權作山頭月爆竹驚醒  
洞裏仙縹緲香烟酬祖德喧嘩兒女鬧華筵移人習俗誠難免叩  
首神前起復顛

元旦

曹祖培

爆竹久無聲聲喧喜若驚衆山誇震定一夜卜升榮我索梅花笑  
人爭柏葉迎撫松新氣象祥瑞滿城生

和前題

方明

昨夜剝勻爆竹聲聲傳不斷鬼神驚桃符萬戶都新換柳線千條  
欲向榮暖入屠蘇欣共飲香銷柏子笑相迎漢宮蠟燭連城市喜  
覺春風百媚生

和前題

車煥文

年來刁斗寂無聲爆竹聲喧總不驚銀燭輝煌欣結彩金錢頒賜  
倍增榮屠蘇醉倒人休怪梅葢斜教我笑迎更有文明新氣象國  
旗飄蕩春風生

元宵

曹祖培



元宵欣此日迥異往年情爆竹新開放桃符未變更烽煙銷曠野  
燈火澈江城漫說崑崙事狄青善用兵

和前題

方明

何爲天不夜春色最多情煙火開千樹笙歌到五更鞦韆況院落  
珠玉滿邊城四境界平象從茲偃甲兵

和前題

車煥文

每遇元宵節燈光接月明關山寒有色刁斗寂無聲人樂長春國  
天開不夜城崑崙堪繼蹟大帥用奇兵

重九偶成

曹祖培

滿城風雨轉晴天放眼樓頭喜鎮邊人愛東山懷謝傅登高近接  
向山巔

重陽情景勝端陽緩緩催租戶有糧難得秋成佳節樂江頭也見  
菊花黃脫帽偏逢落帽風樽前露頂識英雄山陬誰敢題餒字醉  
飲葡萄一笑中

韓僑都是白衣人送酒官家話性真僻地先寒霜滿樹楓林美景  
隔江津

撫松十景

遼東名勝首推白山而附近諸山又無峰不奇無石不峭山巔積  
雪四時不消故名之曰白山而松花江源出其上蜿蜒如帶北流  
千里撫松佳景觸目皆是令人應接不暇從前並未經人品題雖  
有佳景亦無聞焉自張公傑三到撫之後始列爲十景並七言十  
首經斯品題而益顯矣茲將十景列後

柳城春曉

張元俊

雲淨煙開曉日晴  
春風楊柳滿邊城  
天公洵是無私者也  
遣黃鸝自在鳴

筆架尋秋

筆架山高氣象雄  
三峯直插入晴空  
黃花新豔丹楓老  
此地秋光迥不同

東山晨鐘

鎮邊樓上起鐘聲  
送入春風滿柳城  
到耳聽來高枕臥  
桑麻鷄犬總無驚

西江晚渡

江頭日暮各紛紛  
然漁舍家家起晚煙  
一葉輕舟歸未得  
行人喚渡

夕陽天

蓮池泛月

把酒傳杯笑語頻  
扁舟來往夜沈沈  
愛他蓮影波心月  
領畧風光有幾人

仙洞生雲

仙洞清幽不染塵  
白雲深處客來詢  
邊城縱有桃源地  
今世何須再避秦

長隄垂釣

垂釣長隄日色闌  
斜陽歸去幾人歡  
江頭何處逢漂母  
千古英雄說飯韓

鎮邊遠眺

步上高峯近日邊登臨愛趁夕陽天晴空萬里歸雲緩處處山村  
起晚煙

香水環帶

香水環城西北流煙波倒影鎮邊樓柳隄春曉池塘綠四壁山光  
一色收

白山積雪

惟有白山極壯觀層巒高聳日光寒年年曠有峰頭雪皎潔偏宜  
月下看

撫松十景

次韻

董寶廉

柳城春曉

白日青天萬里晴曉看柳色綠盈城流鶯欲世知時變爲報春音

帶曙鳴

筆架尋秋

架筆依峰意態雄，雲霞煥采罨晴空。  
山寒石瘦楓如火，畫出秋光迥不同。

東山晨鐘

東山破曉起鐘聲，散入春風送滿城。  
警覺斯民酣夢醒，身心策勵總相驚。

西江晚渡

江清月白兩悠然，漁火船家起晚烟。  
爲政必期能濟衆，使民長此戴仁天。

蓮池泛月

勝地清遊不厭頻  
蓮池倒影葉浮沉  
月明澈底渾無滓  
詣此方無愧作人

仙洞生雲

何事求仙了俗塵  
洞雲變轍路難詢  
世人未到功成日  
莫作桃源學避秦

長堤垂釣

香餌長鈎興未闌  
臨淵豈止羨魚歡  
嚴陵峻節高千古  
三傑淮陰有一韓

鎮邊遠眺

造極登峰雲漢邊  
長空萬里蔚藍天  
巖疆資此爲雄鎮  
烽火消除淨塞煙

香水環帶

川傍松林香氣流成環蓄勢護城樓蘊宜奇秘鍾靈秀全縣精華  
讓水收

白山積雪

矗矗奇峰訝巨觀雲霄直上犯清寒蒼顏皓首峻嶒態應作羣山  
道貌看

柳城春曉

王鴻基

春來天氣正清明曉日初昇照柳城烟樹萬家多掩映雲山四面  
更崢嶸臺隍迤帶如青鎖土壁週圍似翠縈百里仁風生意滿康  
衢鼓腹詠承平

蓮池泛月

前人



一輪明月滿前川半畝池塘別有天泛影輝煌生綠水浮光燦爛  
照青蓮金球滾滾驚魚躍玉鏡瑩瑩動鷺眠不染泥塵君子德四  
方人士頌清漣

仙洞生雲

世人莫笑學逃禪流水光陰有幾年自去自來雲外影不生不滅  
洞中仙紅霞爛縵升岩穴紫氣氤氳出岫巔敢問海濤何處往空  
留石室夙無邊

筆架尋秋

筆架山中處處游尋看景物即成秋柳城疏影千家露松水清波  
萬里流淡霧輕烟籠峭壁黃花紅葉掛峰頭與民此日同觀賞勝  
似登雲百尺樓

鎮邊遠眺

建築高樓立峻巔登臨遠眺景無邊  
雲山淡淡迎眸下江水泱泱  
在眼前草木看來歸掌握  
萑苻不敢起雲烟  
全城市井皆安塔  
一响雷聲動午眠

柳城春曉

劉椿

緣何植柳作邊城綠壓墻頭畫不成  
塵肆春同陶令第閭閻曉似  
亞夫營深籠翠色微風動淡鎖青烟曙  
氣清天外妖氛從此掃  
謳歌惟有管絃聲

仙洞生雲

前人

古洞傳來內有仙山深徑曲近雲邊  
光呈狹谷原非霧彩繞懸崖  
却似烟疊嶂排空名勝地飛岩入畫  
艷陽天寰中吉兆於斯卜永

慶昇平萬億年

鎮邊遠眺

前人

望樓危起極山巔取義森然號鎮邊勝日登臨憑眺矚乘時吟詠  
足流連江河萬里奔疆外市井千家聚眼前高類齊雲堪馭下倚  
爲保障亦天然

香水環帶

前人

河喚松香水往還蜿蜒自北出山間江城一曲如縈帶市井千家  
似佩環廻顧源源非澤國周觀漫漫近仙寰天然地勢成天塹據  
此何須別設閑

白山積雪

車煥文

巍巍坐鎮在遼東費盡丹青畫未工常似銀沙堆地上曾經天女

在在空中高侔嵩嶽兩無別景比峨眉一樣同若待雪消冰釋後  
群峯仍像白頭翁

西江晚渡

劉椿

白日依山照晚窗行人濟濟渡松江農夫返去登長岸樵子歸來  
問小艫隔水頻呼聲不一輕舟獨盪影無雙遊臨欲賦新詩句聒  
耳偏聽欸乃腔

筆架尋秋

前人

山名筆架景偏幽勝日尋看處處秋雲曉三端身外過氣清千里  
目中收黃花滿徑毛錐臥紅葉盈林栗尾遊欲共長天渾一色松  
江香水兩悠悠

長堤垂釣

車煥文

百餘名於平明時候自東山而下分爲三股一股撲防營各據一地相持不下一股撲巡警局警兵人數單薄無力抵禦逃過江西一股撲縣署知事湯公信臣時在廳事親自持槍攻擊卒以寡不敵衆遇害死城旣破胡匪恣意姦搶燒殺慘不忍聞延至初三日午刻始呼嘯而去商民被掠一空出城之時綁去人票四十餘名行十餘里由商民措洋三仟餘元始得贖回民國十五年陰歷十一月十四日匪首占九洲鐵雷等率領夥匪三百餘人黎明時候順江而下將至城分爲三股一股自西南城角而入直奔警所蜂擁而入劉所長奮勇向前持槍攻擊以人數單薄卒被其擄一股自南門而入直奔縣署破障而入時監督高公文璐聞警避於商會家眷

匿於民家幸無損傷監獄釋放一空卷冊焚燒殆盡所有款項亦搶掠無餘孫科長被擄一股自西門入以禦北營胡匪遂得任意猖獗毫無畏懼姦殺搶掠不堪言狀延至十六日晚十二句鐘始出城而去當將警甲所劉所長縣署孫科長均行綁去並綁去教員二名學生十一名商人十九名甫過江西槍殺學生一名商人二名胡匪入城時擊死隊長巡長各一名甲長二名兵二名商民三名出城後婦女因受驚而死者四十餘人商民損失較之民國三年之損失爲尤酷矣

善後 縣城被匪攻破高公因是去職繼任者爲張公傑三受事後見商民輟業滿目瘡痍遂與紳商籌辦善後事宜出示安

水繞長堤向北流何人垂釣懶乘舟舉竿灑散孤洲雁飄縷驚飛  
兩岸鷗獨占高崗探雪浪全憑雄勢掛金鈎老公須有太公志莫  
負松江一色秋

東山晨鐘

前人

東山聳峭碧摩天最好晨鐘在上懸撞罷聲隨千丈落聽來身起  
萬家眠勢高可摘樓頭月嚮遠能驚洞裏仙從此發人深省了絃  
歌並作樂無邊

春曉登撫城鎮江樓

周鳳陽

鎮江樓上日遲遲正是群芳角勝時四面青山開錦帳一城綠柳  
掛金絲白山雪映幼紅彩仙洞雲生護碧枝如此韶光空自負勸  
君莫賦旗亭詩

雪夜偶書

前人

夢裏還家恨五更經年舊事話分明無情風動窗前柳不是鐘聲  
是雪聲

弔前教育廳長王公毓桂

前人

噩耗傳來入夢頻西風瀋水賦招魂德音已渺淚空灑俎豆雲天  
何處存

其二

遼水青年沾雨化哲人其萎夕陽斜而今對影空揮淚杯酒斷腸  
哭天涯

柳城春曉

牛善堂

長隄一抹綠楊烟圍繞江城洵可憐花怯曉寒和露睡柳披宿霧



戀春眠斜風碎捲雲中絮旭日晴烘畫裏天如此韶華應自惜人  
生切莫誤青年

蓮池泛月

前人

爲愛蓮花戴月遊池塘深處泛輕舟白蘋風細鷗眠起紅藕香清  
蝶夢幽鏡影浮沈隨浪湧歌聲委婉扣絃謳此間佳趣知人少以  
水爲家樂自由

長隄垂釣

前人

一篙春水遠連天兩岸漁人泊小船箬笠微沾紅杏雨釣絲斜挂  
綠楊烟投竿宿鷺先驚夢爭餌遊魚屢躍淵滿載歸來天色晚舉  
杯醉月樂陶然

西江晚渡

前人

閒來晚眺大江東渡口行人總不窮帆影飄揚殘照裏櫓聲搖曳  
暮烟中鴨頭活水三篙綠鴉背斜陽一抹紅笑看往來名利客浮  
沈浪跡等飛蓬

長白積雪

前人

滿山積雪任縱橫埋沒羣峰辨不清白混水天晴有影光搖銀海  
皓無聲花攢六出乾坤冷玉擁千秋晝夜明向晚憑欄遠眺處蒼  
茫極日愈晶瑩

長白積雪

史鴻鈞

層巒陡起峭寒侵雪壓峯頭雲霧深千古白山眞面目當時王氣  
已銷沈

蓮池泛月

前人

換松鼎志  
沽酒同消萬古愁湖光夜色滿蓮舟關情最是波心月也解留人  
曲作鈞

鎮邊遠眺

前人

憑欄遠上鎮邊樓滿日風光萬象幽美景天然蹤似水他年能得  
幾回遊

西江晚渡

前人

古岸春光逐客來夕陽喚渡小船開青山有意自千古松水無心  
去不回

柳城春曉

前人

白山松水兩分明春色含烟滿柳城戍鼓頻吹聽斷續笳聲陣陣  
起連營

東山晨鐘

前人

東山高處起晨鐘聲徹邊城路幾重一杵萬家齊警醒曉窗細語  
興猶濃

東邊道尹王公理堂德政碑

在縣城西江沿

功施於一郡德被於一屬此官守之常非極則也漢世龔虞今猶  
稱之其治行風化勃海朝歌外不及也以其官治其所守職責所  
在龔虞能盡其職焉耳若夫宏施廣被眈眈不分鄰境窮黎同沾  
惠澤願猶謙讓未遑其蘊蓄爲何如也王公理堂官東省三十年  
功德在民而治匪維嚴凡東省人士孰不感公德而仰公威此次  
督辦清鄉殆即重公威德冀以治此匪患耳東邊山深林密易於  
藏聚故匪尤甚公任事後凡四赴東邊往來山林中九千里知此

匪決非各縣警甲所能撲滅也創募林警分佈賊巢以犁其穴村屯散落易受匪脅制也歸併之以厚其勢防民之窩濟匪類也設互保之法恐林警怠於剿捕也定計首之賞伐樹修道利於搜剿也擇要築防便於策應也長途設電易得匪耗也凡此者皆足以殺匪勢而遏匪氛是年盜案減三百餘起而撫臨濛等處因得獲一日之安則王公之賜豈尠也哉十年春公兼署東邊道翌年夏清鄉裁併專任道職濛江本吉屬與東邊之撫臨接壤而修道築防欵悉公籌併撥林警築防濛境其視濛也一如撫臨不以非其屬而歧視也撫臨獲承公惠猶其民也濛以隣屬而沐恩如其治則王公德量抑豈囿於一郡一屬之功德而沾沾官守之常者所可同日語耶公性直而嫉惡嚴苟不法雖近幸無所貸故出巡豪

猗歟迹鄉僻小民因得撥雲霧而見青天者不知凡幾則其黍雨之歌甘棠之頌又豈惟撫臨濛等民已哉

奉天省撫松縣所屬文武官員農商各界恭立

中華民國十一年 吉月

穀旦

戊辰松江留別二首并序

李鎮華

東路清鄉奉令調省撫松各界盛筵祖餞快鏡留光感謝之餘賦

此誌別詞之工拙不計也

贈同學張傑三縣長

前人

與君總角論交情二十年來寒暑更前清光宣間余與君同學師範於奉天彼時皆青年今縱談往事垂垂已二十年矣教育英

才同此樂畢業後余與君均在籍辦學任勸學所所長有年宣勞為國有光榮君嗣被舉為省議員國會議員等職安民查吏留

成績君歷任全省保甲公所參事東邊勸匪總指揮省長公署考查吏治委員各要職大用長才已記名君榮任國務院簡任職存記清慎勤能兼

和緩依然本色老書生

君雖一行作吏奔走風塵仍不改其書生本色而清慎勤能尤非常人可比故云

贈農商警學各界諸友

前 人

人生聚散本無常况復男兒志四方泥雪飛鴻留印象

臨行各界公議合影以留紀念

春

風快馬任騰驤

璞菴所長為借快馬以利行程

新交舊雨齊歡送

聘之耀東亞鐘諸公皆多年老友而覃軒凌雲功甫尤一見如故云

旨酒

嘉肴更飽嘗

各界惜別盛筵款待幾無虛夕

此會他年知有日隆情盛意實難忘

各界名流送於別不盡依依至

松花江畔江干話今思之心猶不忘

撫松縣長張公德政碑

蓋聞體國經野古慈君之壯猷頌德歌功今士庶之報稱我 縣  
長 張 公傑三印元俊寬甸籍爲東省名士以國會議員來長  
我撫宅心仁厚天性慈祥視撫民如子弟固撫境於苞桑豐功偉  
績熙天耀日雖無能名謹述其略我 公下車伊始適值丙寅冬  
胡匪陷城之後荆榛彌天瘡痍遍地我 公沉幾應智以勦匪爲  
首謀安民爲急務於是嚴督剿捕招集流散不數月間防務周密  
人心漸安商民各復其業我 公復請 大府免農債以蘇民困  
修城池築砲台以防匪患發倉谷請賑款以維民食修電話闢道  
路以利交通請省款築江壩以遏水患收私槍改隊伍以固防務  
設師範增學校以育人才查游民禁烟賭以厲清鄉他如貸款濟



商建昭忠祠立教養工廠禁擅派花費免供給木柴放餘荒招墾  
戶劃街基立市場購槍械修縣志定苗圃請庫款修縣府種種設  
施無一非治撫之善政我 公嘗謂撫民之害有三胡匪不清一  
也濫派花費二也林內種烟三也我 公一舉手即廓而清之我  
公蒞撫之初股匪充斥戶數僅有三千嗣經我 公督飭警甲  
嚴行剿捕擒斃胡匪二百餘名獲槍百二十餘枝戊辰秋境內肅  
清戶數現已增至數倍丁卯冬通臨刀匪蠡起我 公嚴密防範  
躬親查卡衣不解帶者四月有餘雖鄰封擾攘而境內晏如復出  
隊應援臨江卒殲渠魁此皆我撫民所不能忘者興利除弊公正  
廉明古所謂一路福星萬家生佛者我 公克當之矣惟是樂業  
安居四載懷愛戴之誠而霖雨蒼生億姓少纖塵之報返之寸心

難安俄頃謹將我 公治撫善政略述梗概義不取諛事皆從寔  
用勒貞珉以期常戴棠陰永垂不朽云爾

中華民國十九年歲次庚午五月穀旦

撫松縣闔屬農工葭學商民人等恭頌

## 重修撫松城池添設砲台記

撫松設治以來至民國甲寅丙寅兩罹胡匪陷城之禍即甲子乙丑兩年間胡匪之害亦無日無之商民受害至慘且劇守斯土者不能未雨綢繆匪去則侈然晏安匪來則警惶無措良可慨也查撫松原有土城周圍四里經由縣長竹亭監修年久頽圯殊爲可惜民國十六年丁卯一月予來撫適當胡匪陷城之後目擊心傷不勝今昔之感乃調集工役將城池重加修築城之高池之深均倍於疇昔復於土城之上植柳作柵以資防守原有五門九橋亦各髹而新之撫松城池自此次重修城高約一丈五尺池深約九尺許雖不能如金城湯池據爲險要而守望有資亦可稍恃無恐矣予曩奉檄勦匪東邊以經驗所得凡無城池之地防匪善策

莫若砲台以爲言戰不如言守用兵以衛民又不如先用地利使民自衛公輸之善攻不如墨翟之善守譬之於棋負者誤於進取勝者以慎守爲算其切喻矣撫松處萬山之中森林叢薄地勢險要且孤懸偏隅無聲援之足恃故治匪之策能守始能言勦是以於重修縣城之後城內外各要隘均建築砲台以嚴防務而資守望計城之五門建砲台五座南江岸西市場西江岸砲台各一座縣政府砲台二座公安局砲台三座北營砲台一座加城之四角原有砲台四座東山砲台一座共有砲台十九座并勸殷實商民聯絡增修砲台十八座計城內外公有私有砲台都凡三十七座均係當衝之地平時以數人守之臨警則添兵防禦縱有匪患亦可雄據險要有備無患近年胡匪肅清者寔因縣城有險可恃故

得出全力嚴行勦捕撫境之肅清則重修城池添修砲台二事實  
不無裨益也且城池砲台相爲犄角不特爲防匪要著即對於國  
防亦係要圖此甯非地方當務之急哉中華民國十六年五月寬  
甸張元俊記

## 鎮江樓記

鎮江樓者撫松縣西松花江岸之礮樓也西岸爲吉林濛江縣境江介兩縣之間兩岸山深林密胡匪不時出沒樓名鎮江義蓋取此樓成於民國十六年春矗立江岸規模宏壯爲撫城礮臺之冠前臨松花江北繞松香河登樓四顧東南之馬鹿溝南甸子谿流川谷纖悉靡遺西面濛地之岡陵溝渠歷歷在目遠與鎮邊樓相映對近與各礮臺相犄角置利器其上十人守之能獨當一面可謂據形勢之要矣抑尤有進者古之人先天下之憂而憂後天下之樂而樂往往於公餘之暇即所守境內構建樓臺亭館爲與士民遊觀之所是樓也處環山之中四望不能十里固不若岳陽黃鶴極目千里具宇宙之大觀唯其山拱四圍水環三面亦自別饒

佳趣况此地爲白山數百里山水所會靈秀所鍾其江山勝概與夫四時之風景皆足供人玩賞時而岸柳縈青煙波漾綠時而水鳥紛飛漁帆往復時而紅樹寒潭相映成幻時而雪壓松巔櫂行水上節序推移景物變換儘可於此樓一一見之夫撫邑東山仙洞競稱十景今更得此樓爲點綴庶幾白山松水之名勝爲不孤矣他日地方發展文物昌明長此土者於雨霽風和之夕偕二三紳耆登樓賦詩臨風把酒則名之爲風月樓可也洎乎交通便利汽車四達由茲接軌直達白山關天池爲世界大公園任中外人士遊覽登斯樓者話種族存亡之歷史談古今民生之苦樂則即名此爲大同樓亦無不可也是役也地方公欸主任車仁盛一區區官溫瑞英商會會長李明祥張萬程之力爲多特爲之記以告

來者

中華民國十六年五月

日寬甸張元俊記



民招歸逃戶一面勸令商家照舊開市無如殘破之餘兵不聽命良莠不分盜賊徧地乘機思逞張公嚴督警甲星夜剿捕復將舊有土城大加修葺樹以木柵於四週增築堅固礮台駐以精兵藉資防禦復曉諭各警甲官兵等有能斬獲盜匪者受上賞於是兵乃用命民得安居商務亦漸復原狀張公爲防患未然計每夜必率隊親巡關卡俾免疏虞不二年間斬獲盜匪無數獲槍二百餘支盜匪絕跡墾戶日見增多商務日見起色四民樂業相慶以安也

# 戶口

民三以前因匪亂卷檔被毀戶口之數無從稽考厥後復因荒旱連年居民尠少亦無詳確調查至民國十五年又因胡匪破城所有卷宗焚燬殆盡戶口一項亦無從考查民國十六年春戶口之數又復寥寥一因胡匪攪擾不得安居一因地處邊陲交通不便自十六年冬戶口驟增此後既無胡匪商民自當接踵而至逐歲增加不復似昔日之荒烟蔓草野無居人矣今就十九年春各區警察調查所得之數分別列表如左

區別	戶數	男	丁	女	口	男女合計
第一區	三千九百七十八	一萬三千二百八十三	七千九百八十五	二千九百八十八	二萬一千二百零三	二千九百八十八
第二區	八百六十二	三千一百一十四	一千七百八十六	一千七百八十六	三千五百零二	五千零零二

撫松縣武廟記

世有德擅片長功存一地坊表廟貌俎豆馨香者况乎富貴不能淫貧賤不能移威武不能屈天地合其德日月合其明四時合其序鬼神合其吉凶英靈神武亮節光風忠義仁勇德兼衆善而可無所尊祀用資敬仰者乎是知撫松雖遠處邊陲草萊初闢凡百設施諸端待舉而興修武廟崇仰先聖爲尊重國典所攸關尤爲刻不容緩者也民國十七年春於縣城南關外關徐二姓所施之地相度經營鳩工庀材始興修閱時五月得觀成焉其他廣十丈縱三十丈計正殿三間內塑關岳二聖神像并招道士范教德司香火住持其中每年率邦人以時致祭緬先聖之功德慰敬仰之虔心亦所以尊重國典也斯爲記寬甸張元俊

重修鎮邊樓記

撫之東山舊有鎮邊樓前任由公竹亭建以防寇者也其礮臺望樓構置規模及其用意所在由公記之詳矣迄今歷十餘稔風雨剝蝕勢將傾圮若不重事修葺聽其頽塌則前人慘淡經營之苦心不將與斷壁殘垣同歸湮滅乎予蒞茲邑已歷三年境內匪氛漸次肅清今春公私稍暇將城關礮樓修築完整而鎮邊樓居高臨下爲全城第一保障尤弗可緩爰即舊址鳩工約之楛之旣勤垣墉遂塗墍茨不浹旬而落成基址較前愈堅規模較前愈拓工成之日邀集邑之紳商父老學子兵士聚於斯樓而告之曰使我撫邀天之幸胡匪絕跡而今而後永獲安寧此樓不但堪作防務之資更可作爲遊眺之所可不善爲保守乎後之守斯土者或於

政暇率撫之人士登樓眺望見夫萬家煙火遍野桑麻鷄犬無驚  
邊鄙安居追念疇昔建樓鎮邊之功則由公之名可以永垂不朽  
矣此予所以樂爲之記也

中華民國十八年五月 日寬甸張元俊

建修松花江壩記

環城之西有大水曰松花江源出長白山麓蜿蜒自東南來萬山  
夾峙水勢湍急加以夏秋水漲洪濤巨浪正當南門比年江岸被  
水冲刷沙土頽塌距城不及里許一旦潰城而入全城必成澤國  
若不先事預防貽患商民誠非淺鮮事關民瘼責有攸歸到任以  
來數與商民籌隄防之策輒以工程浩大胡匪滋擾商民力弱中  
止夫天下之事不一勞者不永逸不暫費者不久安坐言無益起

行有功幸值匪勢稍安商民日集乃於己巳春一月招集地方農商葭學各界以及士紳到署會議建修江壩均各樂從相與實地勘驗繪具詳圖擬於大南門外松花江泛溢之處建修江壩以資隄防估計需銀幣八千圓惟茲邑地處邊陲商民稀少財力艱窘此項鉅款若全出諸地方力實未逮爰爲呈請大府撥發一半由地方籌措一半大府體卹民艱准如所請由省庫撥給現銀四千圓遂即擬具簡章派邑紳李長勝爲監工委員鳩工庀材從事建修凡十閱月而工竣名曰松花江壩商民額手相慶以爲有備無患實全城一大屏障也夫是壩也予提倡於先商民贊助於後復賴省庫撥款始底於成費欸雖屬不貲而規模已具後之來者隨時修葺而保護之俾斯壩得以永固不但撫松商民之幸亦予之

所深幸也因爲之記

中華民國十八年十月

日寬甸張元俊

建修礪山門記

礪山門者城之東門也夫門以礪山名其爲險要可知也縣城三面環水一面依山地占形勝誠屬天成苟無雄偉之建築以壯大其勢不但失其屏藩亦且有碍觀瞻於時南有安瀾獲鹿西有襟江北有帶河諸門之設而東則羣山聳峙俯瞰其下設非扼其險要防務稍疏即遭不虞民國甲寅丙寅兩遭胡匪陷城之害其明證也余到任後增修各險隘已不下四十餘處茲礪山門又頽焉將圯經云城郭不完全余有責焉乃籌款鳩工庀材重行建築增修砲樓坐鎮其上樓高四丈長四丈寬三丈民忘其勞款無虛擲閱

十月而工成繼此以往依礪山之屏藩作全城之保障居高臨下  
憑險而守宵小斂迹虯吠無驚大有一夫當關萬夫莫開之概豈  
止壯觀瞻己哉是役也襄助其事者商會會長郭恩溥監工者翁  
國寶王天盛王盛魁例得并書

中華民國十八年十月 日寬甸張元俊

### 建修縣政府記

人必威儀尊嚴衣冠整肅而後足以動人之畏敬不生慢易之心  
邑之官廨人民之所仰瞻如因仍鄙陋漫無軌制殊無以辨等威  
而尊國體况撫邑地居邊僻密邇隣邦人情重畏威而輕懷德國  
家之設置一涉簡陋易啟戎狄輕藐之心姦宄窺伺之隙予曩遊  
內省及東瀛見夫官廨之森嚴建築之宏敞不覺爲之悚然何也



蓋官廨者國家之建築品其爽塏與湫隘可代表國家之強弱豈徒壯觀瞻誇美麗云爾哉撫松設治二十餘年兩罹胡匪陷城之禍雖曰防衛稍疏要亦設置未備有以致之耳溯設治伊始在清宣統二年當時居民鮮少地方安靖設治者草創經營儼然公劉陶穴楚子篳路之景象創建正式公署未遑也暫就今師範校地有草屋一正兩廂各三間官于斯吏於斯民衆訟於斯嘻偪亦甚矣民國三年遂演出胡匪破城湯知事遇害之慘劇由公竹亭接任將縣署移城內今址草舍十三間覆以白茅築以板壁規模狹小無異窮閭嗣經蘇梁曹劉高歷任接續增築依然因陋就簡卒又有十五年十二月再遭胡匪陷城之浩劫翌年一月予奉命來守斯土破殘之餘商民散亡殆盡一夜數驚人心惶亂岌岌焉不

聊其生子晝則招集流散夜則躬率椽屬兵弁分隊巡城卡堵以防匪患當時席不暇暖雖廨舍蕭然不蔽風雪亦不遑顧也嗣後人心漸安商民復集盜匪稍爲斂跡因思春秋時莒子城惡自謂僻陋在夷不備不虞卒致滅亡撫邑之患毋乃近是未雨綢繆不可以已也夏六月乃葺舊屋並增築頭門瓦房三楹圍牆九十六丈乾巽兩隅各築砲臺一座暫資防守己巳春盜匪肅清城內外商民二三年來驟增數倍向之日處荆棘猛獸中者今漸著平安之象矣欲爲地方謀久安乘時建設不容稍緩爰請准大府撥庫欸現銀三千元招匠人翁國寶曹學德陳元德等重建大堂三楹兩廡各五楹堂左右法庭辦公室各二楹泊乎今秋建儀門一座儀門外東西廂各五間頭門外開東西官道一條建東西轅門

各一座影壁一方庫廚房各三間所有牆壁均砌以甄石上則覆以鍊瓦棟梁榱桷純取土產堅大耐久者形式不尙奢靡規模專取遠大蓋地當邊塞不如是不足以建威弭患而起人敬畏之心也歷三期而工告竣落成之日士農工商販夫走卒莫不額手相慶轉相告曰大府軫念撫民特發庫欸建修縣府俾我撫民得所託庇非獨我撫之光亦我國之光也予喜聞此語也用誌梗槩以遺撫人使知我大府重視撫縣之深意焉

中華民國十九年歲次庚午秋日寬甸張元俊謹記

白山天池記

白山之巔有潭深不可測曰天池去縣治三百里盤鬱撫松安圖長白三縣之間爲我國東北第一高山巨泊丙寅秋余東來考查

吏治道經白山一週未達其巔深以爲憾翌年一月奉命守撫因思白山半壁屬於管境尤應巡視以周知邊圉乃荏苒三載未得果往今秋出巡漫江勘設防所事畢擬轉巡白山藉瞻天池而山深林密途徑難尋適有公安局員岳長久在白山附近漁獵多年又有獵夫張春山原籍河間對於山徑亦稍辨識爰率公安大隊長王永誠科員藍允辰隊長楊振勝王景賢關弼侯張兆夢宋良弼暨李學泗王樹美並班長隊兵方萬貴等共三十八人於十月二十二日由漫江起程行數里即入白山泊子一路崗巒起伏松楸茂密蟻垤如塚鳥巢似球掛塔松寄松垂生迎風若帶陰天樂就地茵生遇雨勃興萬年松高不滿尺碧綠徧野珍禽奇獸屢見不鮮經葦沙河樺皮河子緊江各水清潔澈底游魚可數時當

秋老天高兩岸花騰餘紅樹凝濃綠與江水相掩映流覽風景別  
饒佳趣行過半日在樺皮河沿遇矮房一處上覆樹皮俗稱蹠子  
窩棚內有七旬老者山東劉觀青居此以獵爲生已四十餘年頗  
有山中無曆日寒盡不知年之景象焉詢以山中景物言之歷歷  
如繪復前行二十里日暮黃昏燧木爲炊遂露宿焉二十三日黎  
明起程前行約四十里至一陡山名曰大坎高約十里勢陡如削  
攀枝而上及達其巔平原無垠惟倒木縱橫堆積如山俗稱倒木  
圈有碍前進以斧鋸鑿之始得通行此種大坎儼同塔形如白山  
有座者然至一小山又遇矮房一處爲劉財蹠子窩棚內有獵夫  
一人袁姓寬甸籍鄉談多時出鹿肉一碗見與蓋盡鄉誼也登小  
山之上遠望白山突起積雪如銀行不數武至平原俗曰陽陽地

當攝白山全景一幅前行至梯子河源出白山巔前寬四五尺六七尺不等崖深有六七丈七八丈十數丈或有深不測者人畜悞墜其中無倖脫者有橋一道非土非石細視之似積砂而成俗稱天橋又名梯子橋人馬經行其上不知幾經寒暑而橋仍完整亦云奇矣自此東行又登一陡坎行平原十數里遇一張蹕子窩棚少息復前行至緊江上源江中有巨石特起石上有雙孔噴水如線熱達沸點名洗眼湯循江上行二里許江岸有湯池曰湯上以名勝所在不可失之交臂乃浴於湯池頃刻之間汗出如漿時已黃昏傍湯池緊江東岸林中宿焉二十四日早五時起行過緊江復經梯子河上源至饅頭山崇如墻壁青松蔽日行息數次始達其巔俯視羣山林樹烟露瀾漫仰望白山高插雲霄形勢巍然於

是循崗前行如登天焉樹木不生只有韃子香葡萄松仙人果高  
力葡萄等物均高不盈尺據謂韃子香葉色碧綠形同桂葉經冬  
不凋夏正二月雪裡開花葡萄松幹形似葡萄蔓生仙人果經霜  
葉紅果紅小如豆高力葡萄食味甘芳各物雜處叢生密不露土  
名曰護山皮俗以五花山呼之萬紫千紅燦爛奪目誠可謂錦繡  
江山也上至天橋嶺寬不過五尺長里許高逾萬仞步行其上不  
敢傍睨過橋行五里許至白山巔下之西坡口名懸雪崖時已午  
前十時風和日暖氣清天朗俯瞰天池水光萬頃羣峯羅列峭拔  
若削巖壑空幻石骨玲瓏而各峯乍隱乍現於銀濤雪浪中滴翠  
浮青留倒影於天池之內洵宇宙間之大觀也舉首天外俯視寰  
中浩浩茫茫四無涯際南望朝鮮負山阻海北顧吉江橫亘萬里

遼寧諸縣星羅棋布蓋白山面積縱橫千里峻極二百里聳出雲  
表爲羣山之主峯余等登其西峯其餘隔水相望石壁萬仞咫尺  
千里均未得往實不能測其由甸山色純白終年積雪遠而望之  
若珠宮玉闕近而即之如瑤林琪樹名以長白洵非虛語由懸雪  
崖至池尙須下行五里惟山勢陡峻雪崖壁立似無人敢前行者  
乃用長繩汲引下行而雪道滑澁數武之外已顛撲雪中臥雪直  
下如冰櫃之奔馳頃刻間已達池邊池水清澈洞乎無底潏焉洶  
洶隱焉瀾瀾扶義朝停奔濤夕起瓌寶之所叢育鱗介之所萃止  
池周約四十里畧呈斜方形如城四面峰峻仰不可視並各有坡  
口如門俗稱天池四門北門流水爲安圖二道白河之源當將天  
池東北西三面各攝影一幅繪畧圖一幅並刊字於天池西岸石



里與二道松花江相會波濤數千里而天池終日外流水不減少俗謂通於海底特臆說耳由遼河東上步步登高至撫松縣城相距已達千里則撫松已在山上復行三百里始達白山之巔謂爲東北第一高山巨泊其信然歟

中華民國十九年歲次庚午秋十月撫松縣長寬甸張元俊記

撫松縣署對聯

張元俊

百里偶爲官賣劍買牛久以私心崇渤海

一行慚作吏栽花攜鶴愧無善政媿河陽

地方是主人翁願比戶桑麻共樂雞犬無驚百里聽絃歌到此乃  
完公僕責

政治尙平民化期閭境社會改良風俗不變萬家興禮讓相逢莫  
當長官看

偶來撫治此邦願父老兄弟共促進社會文明相期提倡民權建  
設縣政

本是忝爲公僕與警學紳商時研究地方利弊務要剷除腐化發

揚國光

撫松縣昭烈祠對聯

張元俊

生而爲英歿而爲靈壯士死沙場城郭鄉隣資保障  
昭之以忠崇之以烈英雄捍閭里馨香俎豆報烝嘗

衛社稷執干戈烈士功名留汗血

報馨香崇俎豆英雄姓字照旂常

喋血衛鄉閭盜賊未除心不死

報功崇祠宇英靈宛在氣如生

撫松縣關帝廟對聯

張元俊

下之比河嶽上之如日星正氣凜然塞天地

誼則爲君臣情則似骨肉英靈卓爾振綱常

肝膽矢孤忠討賊尊王侯眞健者

春秋觀大節背義蔑德公之罪人

大義塞兩間赤膽忠肝常翊漢

丹心昭萬古英風浩氣矢吞吳

撫松縣關岳廟對聯

張元俊

炎漢褒功魏吳拒敵生存道義歿顯威靈浩氣滿乾坤俎豆年年

隆祀典外夷是攘中夏必尊報國精忠事親純孝英名垂宇宙廟

堂處處仰儀型

第三區

一千五百零六

六千三百一十七

三千三百九十七

九千七百一十四

四百

第四區

一千零五十七

三千一百零六

二千零五十三

五千一百一十九

九百

第五區

五百三十二

一千七百八十四

六百九十八

二千四百六十四

六百

第六區

三百七十六

一千七百一十四

四百六十八

二千一百一十八

八百

第七區

一百六十

八百九十五

一百七十三

一千零六十一

零八

總計

八千四百一十七

三萬六千五百六十六

一萬六千五百六十六

四萬三千六百一十五

八千五百

## 農業

農會 民國十三年知事劉天成以本邑設治已久農業不興實由農產無人提倡改良農民疾苦無可告語遂提議組織農會通知城鄉紳董定期開會選舉會長票選結果車仁盛被選爲正會長李長勝爲副會長農會於是成立由縣發鈐記一顆文曰撫松縣農會鈐記嗣於十六年夏改選史春泰爲正會長徐肇業爲副會長會趾設於小南門裡路東亦頗適中

## 農事

撫松林荒初闢農事簡單被傭者分爲三種一先支工資二倒槎三秋收分糧謂之青戶俗稱榜青蓋不預支工資秋成始能分糧謂之青分每人可種地四五十畝每人年可餘

鎮江樓楹聯

張元俊

四面青山三面水

一城綠柳滿城花

軼聞

長白山巔有池名曰天池土人云池水平日不見漲落每至七日一潮意其與海水相呼吸故又名海眼又六十年前有獵者四人至天池釣鰲台見芝盤峰下自地中有物出水金黃色首大如盃方頂有角長項多鬚低頭搖動如吸水狀衆懼登坡至半忽聞轟隆一聲回顧不見均以爲龍故又名龍潭又云池中雷聲時作意同砲彈百里外猶聞其聲俗呼爲龍宮演操又云平日水聲澎湃響如鳴金戛玉俗呼爲龍宮鼓樂又云每年二月間陡有黑雲自西北來大雨雹至天池不見閱數日忽由池中突起五色雲向東南而去惟黑白兩色居後迨十數日見雲自東南飛來仍入池內而黑雲不在其中相傳黑龍江龍王會同天池龍王朝宗東海云



又云前有道人登白山山懸雪崖下臨天池見有倒鱗魚數尾赤  
白色躍於池中涉波捕之得其一放之玉漿泉仍向前捕失足墮  
池中石滑不得上伏石而下約百餘丈忽而矗立石層如梯道人  
疑其入水不沒不妨下梯以覘其異手扶梯下六丈許左右多洞  
周視洞口方圓大小不一式皆有石牀居中惟左一圓洞牀上有  
一老人仰臥鼾聲如雷不敢前退趨石梯跋履奔波如登天然百  
步外回顧洞口五色射眼巨浪滔天心愈恐而力不能支伏徑少  
歇恍惚若睡覺身如萍梗隨水盪漾莫知所之醒時開目視之見  
二獵夫立其側身已在槎河上蓋獵者見池內一人浮水而來  
意自西坡口渡東坡口者道人歷言其事始悟爲龍所居次晨偕  
獵夫往玉漿泉觀魚至時見魚猶跳躍以手捕之竟入泉中不見

據引路人徐永順云光緒二十九年五月其弟復順隨王讓俞福等六人在汨石坡下杜坡口忽見兩鹿登坡俞放槍擊之兩鹿下坡入池六人尾追扶石下王槍斃其一其一入池不見六人得茸甚喜王欲抽取鹿筋方提刀剖割俄而大霧從池中陡起六人對面不相見候兩鐘餘霧不散跪祝乞晴而天黑如故王擬棄鹿返五人曰不可坡石汨動往往傷人如此黑暗尋亦不見烏敢行王曰吾等靜候可也六人坐臥池邊至夜半寒風透骨餓不能寐共餐餼糧而盡未幾天微明而霧仍如故坐候數刻霽雨飛落溼透衣襟兼之腹飢難忍俞曰將若何王曰食鹿肉飲鹿血亦可療飢衆皆割肉而食復順不能下咽拋而棄之霎時雷雨交加衆皆哭不成聲旋又入夜見池中三五星忽起忽落倏而潑刺一聲自

空中落一火球大如輪水面萬千燈火直同白晝復順曰可以行  
矣王與余曰禁多言少焉礮聲轟隆宛如霹靂波浪湧起直衝斗  
牛六人戰栗不敢動無何風平浪息池內亭台高聳插入雲霄俄  
聞空中謳歌餘音嫋嫋忽而鼓吹大作樂殿光明四圍洞徹狀如  
水晶陳設古雅非凡男女往來上下指不勝屈惟身軀皆在九尺  
以上不似平人方驚疑間適來一物大如水牛吼聲震耳狀欲撲  
人衆益慄相對失色束手無策兪急取槍擊放機停火滅物目眈  
眈勢將噬兪復順腰携六輪小槍暗取放之中物腹咆哮長鳴伏  
入池中半鐘餘雹落如雨大者寸許六人各避石下兪與復順頭  
顛血出用溼衣裹之池內重霧如前毫無所見又兩鐘餘東方曉  
亮雲淡風清微露峰尖六人匍匐尋坡上至葡萄山前高麗窩棚

病臥十餘日，俞與復順傷始痊，槍彈鹿茸各件遺失無存。至今不敢再入天池。徐永順言之鑿鑿，故誌之。白山紀詠有云：欲到天池先患霧，入時不易出尤難。

長白山主峰曰白雲峰，在天池西稍北。相傳前有人迷於峰巔，見石白異常，其涼徹骨，用巾裹零星小塊携歸，示衆皆疑爲冰片。試之果然。後再尋之，則雲深不知處矣。又天池北偏東之天豁峰，峰起雙尖，中闕一綫，相傳山縫爲大禹治水時所劈。土人云：峰頂夾縫中隱有洞口，數處登山者往往見有蟒蛇出於其間。

玉柱峰係長白山諸峰之一。土人云：峰北麓坡度稍緩，前有獵者數人，杜西坡口見花鹿四隻，其項有挂金牌者，有挂銀牌者，用槍擊之，鹿環玉柱而走。衆隨之，將近峰頂，倏忽不見，而煙霧陡起，莫

辨東西衆繞峰轉走兩日夜始得返蓋俗稱挂牌之鹿皆受封者  
壽已數百年矣名爲仙鹿未可擊也

鐵壁峰西南與華蓋峰相連土色黑狀若鐵壁由池至巔約七里  
餘相傳有人採藥至此忽見峰巔懸燈結彩金碧輝煌中間懸朱  
字無數多不能識惟福壽字不篆不隸形似鳥蟲尙可辨歸語人  
皆以爲誕再往始終不見

龍門峰在槎河西與天豁峰對峙而低池水溢流而出狀若門  
形故號曰龍門由池至巔約有七里世傳大禹治水曾至峰上旁  
有一石上似蝌蚪字形人目之爲神碑今已糝糊難辨土人云數  
年前有人至峰前見魚數尾紅黃色跳躍乘槎河上以石擊之霎  
時狂風大作白雨暴落連聲霹靂而魚亦逝

觀日峰東接龍門三里餘峰起一尖登而望之海闊天空可以觀日出日入由池至巔約八里

土人云每年三月三日夜半時分一遇大晴見日如紅球自海中出出時三起三落而波翻浪湧忽上忽下歷歷在目尤足令觀者移睛海上錦屏峰在芝盤觀日兩峰之間宛如屏風獵者因其形若城垣又呼爲城墻礮子由池至巔約八里有奇

相傳女真國王夜半聞白山崩裂聲命人往視至時積雪滿山不易登候月餘自山右上他峯毫無形迹惟此峰後見一巨雹大約六十餘圍試之堅不可破因名爲雹山聞前清國初尙有遺痕今則見有白雪一堆而已

寶泰洞韓人云數年前有打貂者甲乙同行走椽

俗呼打貂謂之走椽

誤入長白

山旁之大旱海至雲門下見門內有異采觸天紅光射眼心疑爲  
帷往視之登門上光少斂入于沙中甲以手掬沙尺餘露出一尖  
色如桃紅寶石心斃之恨兩邊亂石塞滿不少動又無鏹劓莫可  
如何乙焦急從旁另覓一石擊之有金聲重擊數十下毫無所損  
躊躕苦思計無所出甲曰天將暮吾二人暫回宿明早帶鐵具來  
必得此物切勿告人掩其迹並堆沙作記歸次晨乙喚甲起持鏹  
鋤往至沙堆刨五尺餘始終未見至今門中尙有遺迹

土人云嘉慶年間有人放山

入山探獲  
俗名放山

至天池見峰下一石洞洞口多

登台二角

小凌爲登  
台爲二角

念洞中必有佳者伏入數十步黑暗不得進意欲

返忽露明光因匍匐入約十餘步豁然開朗遙見數里外有茅屋  
兩三間就之一老者出衣冠皆古不類近世揖與語鄉音不通老

者以手指西似揮其去狀放山者識其意西行十里餘遇一深澗

岸上菜花狼頭公鷄

皆花名

花色鮮妍葠苗滿地多四五六披葉者皆

老山不似山子探置背夾未滿而龍爪跨海牛尾菱角金蟾鬧蝦

雀頭單跨雙胎各種俱全獨狀少人格意猶不足扶石入溝見溝

底紅朶纍纍莖高如樹大可盈把心驚喜仍向前探之忽一少女

自溝中出怒曰青天白日竊我園中物背夾將滿猶得隴望蜀是

無饜也以手撮沙潑之迷目不能視知非凡人跪而乞情女曰我

不殺汝汝速行倘遇吾母生還不得也放山者起目亦愈視之而

女不見急奔數里聞水聲潺潺鳥語蟲鳴身已在石澗中攀松扶

石而上蓋梯子河之仙人橋也計程已五十餘里矣視背夾葠尙

在喜而返後偕數人往尋洞不能入故至今猶以爲葠洞云

以上見前



土語

查撫松原係邊荒人煙稀少設治以來五方雜處惟以魯人為最

口操聲音多係魯語謹將雜集無關風俗之土語分別列後

哈酒飲酒 飯飯吃飯 打么發洩 活該應當之謂 火拉生氣 街溜無正業 跑腿隻身外出 吃

响午飯 耍熊狡賴 放山採山貨 毬子客齋 秧子紈袴 打圍打獵 打凍閉門過冬 串門探望親友

撩啦跑了 嘮科說閒話 一虎鹵莽 瞎攔說話不中聽 埋態不潔淨的意思 各路性與人殊 抬扛

言語不合 幹活作事 趕禮辦事情上禮 爽神快快 統通總共 幹架打仗 艫帆船 胡咧咧

瞎說 挖棒槌挖人短 馬溜的快快 一大些多的意思 到得了能辦事 打哈哈快樂 不趕

趕辦不及 瞎扯蛋說謊話 零丁的忽然間 僵眼子倔強 埋態人不潔人 你掩我責人輕已

吃嚼咕美食 打平伙均錢購食 吃勞金作工的 花眼圈無正業 賺體己婦人積錢 磨不

開慚愧對人 打罷刀離婚 老爺子老頭子尊長之稱 老帮子老疙疸對幼小兄弟之稱

老把頭趕利路 均入山謀生 一骨龍總 全總 溜達溜達 開步 抖起來了 形容人之得意

扎籬扎籬 治病及修理物件之謂 實在不善 贊美人 起早攤黑 斯夕勞動 真踢動啦 損失之謂

真正王道 說人凶橫 真不大利 好的意思 餽嘴抹舌的 口饒 鬼頭蛤蟆眼 詭詐 老

實八脚的 說人忠厚 隔二偏三拉裏拉忽的 均疏忽之謂 懈裡懈怠的 懈怠不精神之謂

紅口白牙的 猶言好好一個人也 開鍋 秋天做棒極謂之開鍋 刷水子 刷林極之謂 買賣水子

總之生棒極謂之水子 坡口 嶺之謂 掌櫃的 家主之謂

長白山麓安樂鄉記

(世外桃源)

周鳳陽

陶靖節傷世亂生世外之想作桃花源記以寄意後人讀之每以身不得入其境目不得覩其事爲憾今長白山森森古木環山中發現一安樂鄉其情其景殆與桃花源所記相倣彿吾人既有所聞不可不記其梗概以告世人

獵者鄭寶紅孤身久居白山森林中夏日出獵值大霧迷行林中數日不得出逢一小溪沿溪上見溪自一最狹之山口出似有人跡入則兩岸石壁峭立如牆溪水澄潔潺潺有聲遵彼曲徑迴轉如羊腸極狹處寬止一二丈仰望天空僅露一線行四五里口盡則豁然開廠別一世界黍田麥塍一望數十里板屋茅舍連接數百家其人男女皆長髮衣履儼然古妝芸田汲水往來自若村犬

迎吠發驚怪聲其人見獵者荷槍至咸驚訝群集團視有通中語者詰來意獵者以實告驚訝者始悅導見一老者老者年約七旬貌魁碩豐腴鬚髮皓然導者言其故老者喜延之上座欸以雞黍飲以家釀留數日家各爭餉以酒食問其人何時來此祇云此爲安樂鄉餘皆不答獵者無事稍覽此中形勢四環絕壁沃野十數里盡良田木鐵陶器各工皆粗具出人除獵者初人之口別無途徑口外復繞以數百里人跡不到之森林故外人從無得入者無何獵者欲歸老者令數獵夫持槍於夜間送之仍由來口出鑽藤穿棘狀似熟習歷三日夜始得舊路以歸是歲秋獵者來撫城寄商號天成永向學校教員牛君效元詳道之牛君羨之每逢林居者訪之卒無知之者後與農會副長徐肇業談及徐知之頗詳與

鄭言無大出入據云其地當在白山後麓安樂鄉爲其人之自名  
其人自何處移來或係遼金鴨綠部遺民均未可知撫城前遭匪  
禍時有契友某曾勸避居其地不果鄭之入其地民國十一年事  
也

撫松仙洞記

仙洞在撫城東南馬鹿溝時有雲氣出其中故世人以仙洞呼之爲撫松十景之一洞在山麓東南向民國十九年春五月四日縣立第六小校教員佟君瑞麟牟君中平率學生四人携燭探之洞口高寬僅及丈行數武突狹匍匐始得過過口陡斜如立壁幸可蹲立轉身先以兩足下伸攀扯溜墜達平處頓闊如夏屋十步之外面逢石壁洞穴甚多燭之均透光惟多小如盂一斜洞高在十餘尺可容一中之身旁設木板釘木椿前行者踏椿攀壁伸臂夾首塞身猴升蛇行以進繼者牽前者之手前者始得稍稍以兩足轉下及地益寬廠洞穴仍多於是以粉筆畫號於來口防回頭迷失遍燭石壁皆現各種蔓藤樹葉魚鳥爪印各狀花紋或有如

龍鱗如蚌殼似飛似走畢眞畢肖者復穿過數層石壁其洞之大  
小參差與前壁無大異其闊處亦如之惟四壁花紋之形狀不一  
其類如現蟲魚形者則多蟲魚形如現蔓藤樹葉形者則多蔓藤  
樹葉形中之闊處有瓦盆三上承頂壁滴水皆滿清冽芳甘飲之  
冷心脾再渡數壁別無所見惟數蝙蝠飛撲燈光而已最後逢一  
壁洞口雖多大者絕少燭視摩索移時見高丈處一洞稍大先以  
一人踏人肩燭之果可通踏肩者攀扯而登上可起立以次引後  
者畢登行未遠地驟下陷如巖墻燭之深黑不見底涯投之以石  
似有水聲復旁投之如落石板上細審壁上各花紋奇奇怪益  
覺生動盤桓多時尋來路而出已歷半日矣數人者不唯衣履泥  
污尙有肘腋皮膚被石破裂者然以險絕深奇之境世人幻想之

地一旦發其幽秘爲地質學增一絕好研究材料若佟牟二君可謂冒險好奇之士而四學生亦可謂能步後塵者矣四學生爲師範羅文德李紹琳宛錫文小學孫寶樹也



奉票小洋四五仟元先支工資者言明一年工資若干預先交付倒植者倒如某甲開墾某乙之荒所有農具食糧均由某乙供給此一年所出之糧完全歸甲獨有以酬其開墾之勞如來年某甲仍欲耕種則須與某乙另行商訂計畝論租矣又有墾荒者例如某甲有荒若干招某乙開墾所有蓋房農具食糧會款均由乙自行預備甲給予乙七年或八年之年限在此年限之內不納租糧迨年限既滿始行論租或由甲另行招佃按以上數者比較若從勞工方面着想以墾荒較青分倒植爲便宜撫松地處邊陲氣候微寒耕種稍晚至土宜之辨別施肥之講求及防病防蟲諸法尙待研究而剷除助之事亦屬簡略茲將農事分述如左

立春 租兌田地

雨水 長工青戶就傭開始工作

驚蟄 修耒耜

春分 修耒耜

清明 種菜蔬

穀雨 種大小麥

立夏 播種五穀

小滿 補種雜糧

芒種 補種豆子

夏至 芸田

小暑 芸田

撫松縣志卷之五

人物

鄉耆

鄉宦

鄉紳

義勇

附昭守祠

科第

人物

撫松地處邊陲雖山川清秀水草豐榮然因設治較晚兼之民國三年匪亂以後鄉中父老無復存者往事陳迹多不可考然彈丸雖小亦有忠信僅僅將年來鄉耆義勇以及中學以上學校畢業者一一列入以爲後進之模楷焉述人物

鄉耆

張大元帥前在東三省巡閱使兼奉天督軍省長任內於民國八年及十二年曾二次招集各縣鄉老到省面詢地方疾苦以期下情上達撫松第一次所選送者四人第二次亦復四人均係地方公正之鄉老茲將各鄉老之姓名及性格一一詳誌於左

第一次選送之鄉老

王永俊 存心公正樂善好施

陳慕 排難解紛不遺餘力

葛文瑞 重義輕財對於地方公益尤熱心提倡

安茂林 品格端方凡鄉民有紛爭者無不盡力排解

第二次選送之鄉老

王永俊 見前

劉慶雲 扶危救困見義勇爲

孫吉慶 勤儉治家寬厚待人

韓魁三 人品端方素孚鄉望

翁國寶 年八十五原籍錦縣現住撫松縣城裡爲人忠誠爽直  
急公好義有俠義風精於木工刻畫均極嘉妙玲瓏空幻頗有匠  
心清光緒初年在省修造將軍衙門頗蒙崇將軍獎許嗣到寬甸  
適值設治所有衙署廟宇工程宏大者均出其手迨張公傑三長  
撫有建修縣府之舉適翁國寶在撫應招而來年已八十有四設  
計畫圖鳩工庀材規模極爲宏壯閱一年而工告成且純係義務  
不受報酬並於仙人洞建岫雲觀一座所有木工彫刻均由翁國

寶手裁慘淡經營凡三年工始告竣熱心公務有如斯者縣長張  
公題贈急公好義匾額以彰勞績

鄉宦

金玉聲字振之本縣松樹鎮人初入本縣小學校繼入寬甸師範學校畢業曾充本縣第一小學校教員有志大成不甘小就遂赴北京考入中國大學刻苦自勵明敏有才畢業後充營口鹽運使署秘書現任遼源縣知事



鄉紳

車煥文字景堂居城內係前清附生原籍山東後移撫松品格端  
方又長於文學前充本縣教育局局長

義勇

姓名職別年 月 備 考

湯信臣 撫松縣知事 民國二年 胡匪陷城殉難

王寶山 右路巡防步四營右哨十長 民國二年 胡匪陷城殉難

劉栢勝 右哨正兵 民國三年 勦匪陣亡

白玉順 右哨正兵 民國三年 勦匪陣亡

王志 右哨正兵 民國三年 勦匪陣亡

白寶山 二營中哨正兵 民國四年 勦匪陣亡

張柱林 二營中哨正兵 民國四年 勦匪陣亡

劉繼平 東三省陸軍步兵第七旅第三十五團第三營第十連正兵 民國五年 勦匪陣亡

邢元山 第七連二等兵 民國五年 勦匪陣亡

馮俊庭 第五連正兵 民國六年 勦匪陣亡

范得勝 第五連正兵 民國六年 勦匪陣亡

李成仁 迫擊礮連兵 民國七年 勦匪陣亡

趙玉恒 迫擊礮連兵 民國七年 勦匪陣亡

楊南軒 縣署科員 民國二年 胡匪陷城殉難

佟喜廷 忠勇士 民國二年 胡匪陷城殉難

田紹東 巡官 民國二年 胡匪陷城殉難

陶紹誠 教練員 民國二年 胡匪陷城殉難

于得水 巡長 民國二年 胡匪陷城殉難

都士奎 巡長 民國二年 胡匪陷城殉難

尤長海 巡長 民國二年 胡匪陷城殉難

孫寶山巡

長

民國二年

勦匪陣亡

楊芝柱巡

長

民國二年

勦匪陣亡

王洪寶警

士

民國二年

勦匪陣亡

楊玉峯警

士

民國二年

勦匪陣亡

朱萬林警

士

民國二年

勦匪陣亡

李振海警

士

民國二年

勦匪陣亡

張雲昇警

士

民國二年

勦匪陣亡

袁得勝警

士

民國二年

勦匪陣亡

朱培魯警

士

民國二年

勦匪陣亡

劉守祿警

士

民國二年

勦匪陣亡

張金凱警

士

民國二年

勦匪陣亡

李振海	郭世亮	蔡全海	李春有	李維周	潘志成	徐華峯	房永增	李春富	李喜才	蕭會泉
警	甲	甲	甲	甲	甲	甲	甲	保安隊甲長	保安隊甲長	警察分隊長
士	丁	丁	丁	丁	丁	丁	丁	長	長	長
民國十六年	民國十五年	民國十五年	民國十五年	民國十五年	民國十五年	民國十五年	民國十五年	民國十五年	民國十五年	民國十五年
剿匪陣亡	剿匪陣亡	剿匪陣亡	剿匪陣亡	剿匪陣亡	剿匪陣亡	剿匪陣亡	胡匪陷城殉難	胡匪陷城殉難	胡匪陷城殉難	胡匪陷城殉難

潘子成甲	丁	民國十六年	勦匪陣亡
朱文祿甲	丁	民國十六年	勦匪陣亡
蔡慶發甲	丁	民國十六年	勦匪陣亡
鄭永山甲	丁	民國十六年	勦匪陣亡
趙永財警	士	民國十六年	勦匪陣亡
戚文彬保	長	民國十六年	勦匪陣亡
王忠國巡	官	民國十六年	勦匪陣亡
趙春甲	丁	民國十六年	勦匪陣亡
楊芝貴巡	長	民國十六年	勦匪陣亡
李玉勝甲	丁	民國十七年	勦匪陣亡
王陵團	丁	民國十七年	勦匪陣亡

姜玉春甲

丁

民國十八年

剿匪陣亡

苗景業甲

丁

民國十八年

剿匪陣亡

吳玉廷警

士

民國十八年

勦匪陣亡

李全勝警

士

民國十九年

勦匪陣亡

## 昭忠祠

夫祠者所以重典祀亦所以示人之景慕也碑者所以志奇異亦所以表人之行術也凡義人烈士堪爲後世之模範者其人旣沒咸宜設祠以祀其英靈勒石以志其芬芳縣長張公元俊念死事警甲忠烈堪憫乃建祠以祀焉祠旣成題其額曰昭忠祠蓋所以彰諸死事警甲之忠烈也復建碑以志其事更所以令後人永有觀感云附昭忠祠碑記於左

### 撫松縣昭忠祠碑記

民國十六年一月余來撫承乏適值股匪陷城之後至則督率警甲嚴行緝捕斬獲頗多及通臨刀匪蠡起分兵應援又復唱凱以還而死事警甲諸烈士喋血於深山叢林之中爲



狀至慘卽擬建祠致祭以慰忠魂維時城防不固力又未逮  
遂增土城植柳作柵而城關砲壘縣署警所之圍墻亦次第  
告成內佈防務外事勦捕匪患於以稍清焉今秋年穀順成  
境內較安因念死事警甲諸烈士奮身以衛地方蹈險峻而  
不辭臨彈雨而莫顧肝膽忠烈宜播芬芳而舊有旌烈祠在  
城裡西南隅規制湫隘不足以崇祀典爰改建昭忠祠於南  
關以妥烈士之靈由警甲所長張景玉董其事委員李席珍  
區官于維航募款監修各界力爲贊助庀材鳩工閱三月而  
祠成乃迎旌烈祠各忠魂與近年死事諸烈士合祀一祠裸  
薦鼓鐘奠羅酒漿先後死事之烈士忠魂得永享蒸嘗白山  
蒼蒼松水茫茫我警甲之餘烈庶與山光水色永垂不朽云

爾工既竣粗爲記其梗概俾來者有所考焉

中華民國十七年十一月

簡任職存記知撫松縣事寬甸張元俊

大暑 掛鋤刈草

立秋 掛鋤刈草

處暑 刈麻漚麻晒菌蕈

白露 種葱三崗做複謂之開鍋

秋分 百穀皆熟禾稼收穫三崗複戶栽複

寒露 穀盡登場

霜降 拾蘑菇醃菜

立冬 碾穀儲倉

小雪 獵取皮張樵柴工滿分糧

大雪 獵取皮張納租賦蓋藏禦冬

冬至 獵取皮張納租賦蓋藏禦冬

小寒 納租賦蓋藏禦冬

大寒 決算贏絀迎歲

農產 本邑農產五穀咸備惟以天時土宜之關係其各類種植之多少及產量之約數不無出入茲據十六年秋季之盡量

調查列表如左

類	別	播種畝數	每畝平均產量	總產額
高	糧	一六九九〇〇 <small>畝</small>	四 <small>斗</small>	六七九六〇石
穀	子	一〇三〇〇〇	四	四一二〇〇
糜	子	四六〇〇〇	四	一七四〇〇
玉蜀黍		四五〇〇〇	五	二二五〇〇
稷	子	三九九〇〇	四	一五九六〇

畢業生

姓名

李春潤

遼寧東北大學畢業

袁夢周

周作霖

鍾成川

以上師範學校畢業

史春泰

農林學校畢業

安瀾

車品貴

許成偉

徐詩敏

以上中學校畢業

跋

撫松居長白山右麓地處偏僻三代以上荒渺難稽厥後或屬肅  
慎或隸女真傳說不誤信而有徵延至清代屬於吉林宣統二年  
撥歸遼寧設爲縣治開創亦甚晚矣建置伊始地多荒蕪人煙稀  
少狃狃榛榛喬野無文欲求進化不其難乎迨至吏治頻經文明  
漸啟興學育才俗易風移家詩書而戶禮樂非復從前之樸陋矣  
由是天不愛道地不愛寶人不愛情獸蹄鳥跡之地變爲麟遊鳳  
舞之鄉當時雖得目爲盛事爭先快覩然猶恐時過境遷感慨係  
之矣又當兼收博採乞靈於楮墨也蓋不觀歷史無以知往古不  
閱報紙無以知來今欲使偉大人物長此晤對最好山河瞭若指  
掌非舉境內之山川景物政治風俗備載在簡策不爲功縣長張





公傑三見及乎此百廢俱興之後又復創修縣志俾一縣之始終  
本末治亂興衰得以永垂不朽比之縣署之修學校之擴江壩之  
築門樓之設其功尤不在少矣文學識譴陋猥辱不遺得與編輯  
之列畧陳所見用伸鄙陋之忱豈敢言跋聊贅蕪詞云爾試爲之  
歌曰雲山蒼蒼江水洋洋我公之德山高水長載在篇章永誌不  
忘己巳菊月上浣本縣車煥文謹誌

元豆

三七〇〇〇

三

一一一〇〇

吉豆

五九〇〇〇

二

一一八〇

小豆

五七〇〇〇

三

一七一〇

豇豆

五二〇〇〇

三

一五六〇

稗子

五二〇〇〇

七

三六四〇

精子

五二〇〇〇

二

一〇四〇

大麻

四九〇〇〇

三

一四七〇

線麻

四八〇〇〇

三

一四四〇

蘇子

四七〇〇〇

三

一四一〇

大麥

三九〇〇〇

五

一九五〇

小麥

三八〇〇〇

三

一一四〇

蕎麥

三五〇〇

四

一四〇

黃煙

三三〇

八十斤

二五六〇〇〇斤

芝麻

三三〇

二

六四〇

合計

五〇〇〇〇〇

一九四七〇〇石